



中州集姓氏摠目

第十卷

溪南詩老辛愿二十首

李講議汾二十五首

李戶部獻甫一十三首

司馬侍郎朴一首

滕奉使茂實八首

通理何先生宏中一首

醉軒姚先生孝錫三十二首

朱奉使弁三十九首

蘧然子趙滋一首

先大夫詩四十三首

敏之兄詩五首

中州集卷第十姓氏總目終

中州集目錄

第十卷

○三知已

溪南詩老辛愿 二十首

亂後 贈趙仲常

過崧山 隆德故宮

同趙長水汎舟 山寒

陋室 亂後還三首

題游彥明林園三首

贈劉庵主

函關

贈趙宜之二首

送裕之往許州酒間

有請予歌渭城烟雨者因及之

寄裕之

山園

李講議汾

二十五首

陝州

州北

并過長安

汴梁雜詩四首

上清宮三首

避亂陳倉南山回望

三秦追懷淮陰侯信漫賦長句

雪中過虎牢

清明

下第

磻溪

感寓述史雜詩五首

擬張水部行路難

雲溪曉汎圖

古月一篇為裕之賦

西歸

避亂西山作

李戶部獻甫 一十三首

夏夜

九龍池春望

興慶池書所見

題黃華幽居圖

長安行

別春辭

秋風怨

河上之役三首

圍城

驟雨

資聖閣登眺同麻杜諸人賦

○南冠五人

司馬侍郎朴 一首

無餘居士齋壁有沈傅師游道山岳麓詩

石刻穆仲等和之回亦次韻

滕奉使茂實 八首

哀隆德守臣張確確浮休張舜民之弟嘗

為烏延帥幕獨不廷謁童貫作詩吊之

天寧節有感

雨後蔬盤可喜偶成

五日

喜雨

偶成

立春

臨終詩

通理何先生宏中 一首

述懷

醉軒姚先生孝錫 三十二首

睡起

柳溪別墅

歲晚懷二弟

睡起

次李平子登臺有感韻

九日題峰山 次韻王無競見寄

閒居 和成冠卿見寄

次韻秋興 感白髮

曉霽 重九偶成

溪橋早春 東軒琴示兒子沂

花前獨酌二絕句 題柳溪別墅

芍藥 次韻李相公偶成

村居偶成 用峰山舊韻二首

題佛光寺

芭蕉

蜀葵

次韻公才對菊見懷

寄田朝散善輔

春日書懷

春日溪橋

登樓有懷

題滕奉使祠

朱奉使弁

三十九首

蘇子翼黃精酒

初春以蔓菁作虀罔憶往年避難大隗山

采蘋澗中為虀虀成汁為粉紅色而香
美特異乃信鄭人所言為不誣矣今食

新虀罔成長韻

北人以松皮為菜予初不知味虞侍郎分
餉一小把罔飯素授廚人與園蔬雜進
珍美可喜罔作一詩

予以王事漸高氣海不能熟生暖冷旅中
又無藥物遂用火攻之策灼艾凡二百

壯吟呻之際得詩二十韻

元夕有感

憶鍾離濬

炕寢三十韻

秋泉次韻

夜雨枕上

客懷

歲序

白髮

有感

劉善長出示李伯時

畫馬圖

謝崔致君餉天花

戰伐

龍福寺煮東坡羹戲

作

丙申中秋不見月

十七夜對月

睡軒為趙光道作

南齋即事

餞和父之并州

獨坐

寒食

上巳

送春

天問絕句

客夜

攄抱

重九

次韻劉太師苦吟之什

善長命作歲除日立春

次韻子文秋興 冬雨

寒食感懷次韻吳英姊

春陰 寒食

李任道編錄濟陽公文章與僕鄙製合為一集且以雲館二星名之僕何人也乃使與公抗衡獨不慮公是非者紛紜於異日乎因作詩題於集後俾知我心者

不吾過也庚申六月丙辰江東朱弁書

秋夜

○附見

蘧然子趙滋 一首

黃石廟

先大夫詩 四十三首

桃源行 送德溫同舍赴簾試

雨後 覽鏡

室人生朝

太原古城惠明寺塔

秋望

薄遊同郝漕子玉賦

山中秋夕

寄宗人彥達

榴花

過鳳皇山

瓶形嶺早發

寒食再遊福田寺

家園假山

同侯子晉賦雁

寒林圖為侯子晉賦

贈答彥文相過之什

枕上

秋算王氏園亭

六言

山園梨葉有青紅相

半者戲作一詩

尊酒

憶山中二絕句

山中雨後

遣興

發冀州留別息禪師

貴公子詠

蓮葉觀音息禪師所

藏同路宣叔賦

謝張使君夢弼餽春

肉
仙雞詩

燈下讀林和靖詩
觀西岩張永淳画雁

從趙敷道覓石榴
雪行

龍眠画馬
歲暮

送張冀州致政還都

春雪
楸樹

七夕
觀柘枝伎

敏之兄詩
五首

中秋無月
讀裕之弟詩藁有鴛

聲柳巷深之句漫題三詩其後

題江村風雨圖

中州集卷第十目錄 終

中州集卷第十

癸集

○三知己

溪南詩老辛愿

二十首學杜有得健而不枯

愿字敬之福昌人其大父自鳳翔來居縣

西南女几山下以力田為業敬之自號女

几野人年二十五始知讀書取白氏諷諫

集自試一日便能背誦乃聚書環堵中讀

之書至伊訓詩至河廣頗若有所省欲罷

用山谷瀘南詩老史君之例

不能因更致力焉音義有不通者搜訪百
至必通而後已有一事關十年者由是博
極群書於三傳為尤精至於內典亦稱該
洽杜詩韓筆未常一日去其手作文有綱
目不亂詩律深嚴而有自得之趣性野逸
不脩威儀貴人延客敬之麻衣草屨足胫
赤露坦然於其間劇談豪飲旁若無人高
獻臣為河南治中聞其名引為上客及獻

臣為府尹所誣敬之亦被訊掠幾預一網
之禍自是人以敬之之名為諱絕不與交
不二三年日事大狼狽田五六十畝歲入
不足一牛屢為追胥所奪竟賣之以為食
眾雖嗷嗷張口待哺雅負高氣不能從俗
俯仰迫以飢凍又不得不與世接其枯槁
憔悴流離頓踣往往見之于詩元光初予
與李欽妣在孟津敬之自女几來為之留

金史載愿於隱逸
傳言其有詩數千
首常貯竹索中有
云黃綺暫來為漢
友巢由終不是唐
臣貞處士語也又
載其謂王鬱曰王

侯將相所共嗜
者聖人得之亦
不避得之不以道
與夫居之不能行
己之志是欲潔其
身而伏于厠也其
志趣如此

數日其行也欽叔為設饌備極豐腆敬之
放箸而歎曰平生飽食有數每見吾二弟
必得美食明日道路中又當與老飢相抗
去矣會有一日辛老子僵仆柳泉韓城之
間以天地為棺槨日月為含襚狐狸亦可
螻蟻亦可耳予二人為之惻然敬之佳句
極多如自怜心似魯連子人道面如裴晉
公萬事直須稱好好百年端欲付休休院

靜寬留月窗虛細度雲浪翻魚出浦花動

鳥移枝之類恨不能悉記耳

木栖云吟窗
醉几秋風晚

只許幽人箇裏知三鄉光武廟云万
山青遶一川斜到其處知為工也予嘗

論敬之士之有所立必藉國家教養父兄

淵源師友講習三者備而後可喻如世之

美婦多出於膏腴甲族薰醲含浸之下閭

閭閻非無名色一旦作公夫人則舉步羞

澀曾大家婢不如其理然也故作新人材

金源南渡後國勢日蹙而一時後進及疲耗心力於學詩人材若此何以稽柱傾否豈不獲已而姑自托以通于沒耶

諸賢一時崛起素無淵源切琢之助又取法不越近代區區敬之倚撫利病亦未必能如秦越人之洞視癩結也故所錄詩莫有高視古人能攀

言教育也獨學無友言講習也生長見聞言父兄也至於傳記所載西子乃苧蘿山采薪氏之女越君臣教之容止七日而納之王遂能惑夫差傾吳國豈常理也哉敬之落落自拔耿耿自信百窮而不憚百辱而不沮任重道遠若將死而後已者三十年亦可謂難矣南渡以來詩學為盛後生輩一弄筆墨岸然以風雅自名高自標置轉相販賣少遭指摘終死為敵一時主文盟者又皆汎愛多可坐受愚弄不為裁抑且以激昂張大之語從吏之至比為曹劉沈謝者肩摩而踵接李杜而下不論也敬之業專而心通敢以是非白黑自任每讀劉趙雷李張杜王麻諸人之詩必為之探源師承體製章程格律氣韻委發凡例解絡脉審音節辨清濁權輕重片善不掩微類必指如老吏斷獄文峻

唐宋大手者今之君子深墜而自鞭庶幾詩學之日昌乎

網密絲毫不相貸如衲僧得正法眼徵詰
開示幾於截斷眾流人有難之者則曰我
雖不解書曉書莫如我故始則人怒之罵
之中而疑之已而信服之至論朋輩中有
公鑒而無姑息者必以敬之為稱首蓋不
本於教育不階於講習不出於父兄而卓
然成就如此然則若吾敬之者真特立之

士哉

劉景玄趙宜之雷希顏李欽叔
張仲經杜仲梁王仲澤麻知幾

亂後

兵去人歸日。花開雪霽天。川原荒宿草。墟落動新
煙。困鼠鳴虛壁。飢鳥啄廢田。似聞人語亂。縣吏已
催錢。

贈趙仲常

名憲宜之從弟詩有黃塵袞袞
時隨脚華髮蕭蕭老墜頭之句

趙子年雖小。論詩樂最深。秋風凡幾首。冬日更多
吟。老大吾無力。文章爾用心。荒山松竹底。莫厭數
相尋。

過崧山

催老年光袞袞來。好懷知欲向誰開。箕山潁水春風裏。呼起巢由共一杯。

京叔云真處士詩也

隆德故宮

虵分鹿死已無秦。五十年來漢苑春。問著流鶯無一語。柳條依舊拂墻新。

同趙長水汎舟

洛水秦山晚自澄。孤洲煙樹綠相仍。波搖朗月浮

金鏡嶺。隔華星。斲玉繩。但覺轉船驚。白鳥豈煩揮
翫怒青蠅。風塵浩蕩。飄蓬裏。愧似林宗陪李膺。

山寒

山寒春靜早關門。新月微光照短垣。可恨算雲欺
落景。却將殘靄助黃昏。

此詩似刺宋人夾攻之事

陋室

不離宋人氣味而於詩律可謂精緻渾成

陋室何妨似燕窠。算年終得返魚蓑。壺中日月時
常好。枕上功名不足多。往古來今真夜旦。高天厚

地一置羅鹿門幸有龐公樂牛角徒爲甯戚歌

亂後還三首

工於此興

兵戈爲客苦思鄉。春草還鄉却自傷。典籍散亡山閣冷。松筠憔悴野園荒。鶯銜晚色啼深樹。燕掠春陰入短墻。鄰里也知歸自遠。競將言語慰淒涼。

又

亂後還家春事空。樹頭無處覓殘紅。棠梨受雪霑新雨。楊柳聽綿颺晚風。談笑取官驚小子。艱難爲

客媿衰翁。殘年得見休兵了。收拾閒身守桂叢。

又

芳草比小人

春來漂泊心情減。老去艱危氣力微。芳草際天愁思遠。干戈滿地故人稀。懷金躍馬時何有。問舍求田事已違。糲食敝衣聊自足。白頭甘息漢陰機。

題游彥明林園三首

先生未老猷儒冠。築屋栽籬守歲寒。經史日長常滿案。魚蝦溪近得供盤。幽花入室無多種。瘦竹關

情只數竿蕭洒遠辭車馬跡求官何必近長安

又

城郭繁華斲往還林園幽闕養高閒花低暖藥斜
窺水竹亞晴梢巧避山尊俎歲時君得意風埃南
北我何顏丹房藥鏡游心久不惜袞衿洗病孱

又

不礙遙看冷翠微儘教叢竹映窗扉籬根傍水知
魚樂屋角隣花鳥自啼濁酒野芹安已久華軒高

馬到從稀人間回首皆堪鄙羨汝幽棲得所依

贈劉庵主

劉遠
貴族

蚤薄軒裳貴高尋綺皓蹤一囊閣里藥六尺水雲
筇午枕眠芳景晴簷望遠峯柴門常不掩應得野
夫從

函關 近唐而無出拔語

雙峯高聳大河旁自古函關一戰場紫氣久無傳
道叟黃塵那有棄縑郎煙迷短草秋還綠露浥寒

花晚更香共說河山雄百二不堪屈指算興亡

贈趙宜之二首

夫子今詞伯胡為遠帝京青雲無轍迹白髮有柴荆鬼戲多年病人高四海名麟經方有缺無惜繼

丘明

又

轉徙家無地逢迎客有尊光陰連病枕天地一愚軒霜雪青松古風塵白壁溫從渠投隙者袞袞向

金門

送裕之往許州酒間有請予歌渭城烟雨者

因及之

白酒留分袂青燈約對床言詩真漫許知己重難忘爽氣虛韓岳文星照許昌休歌渭城柳衰老易

悲傷

寄裕之

青雲一別阮家郎甚欲題詩遠寄將好句眼前常

中州集 九
蹉過佳人心上不曾忘誰家秋月茅亭底何處春
風錦瑟有昌谷煙霞久寂莫歡遊還肯到三鄉

山園

歲暮山園懶再行。蘭衰菊悴頗關情。青青多少無

名草。爭向殘陽暖處生。

此傷亂後君子道消而羣小反乘間爭進也
庚寅冬日讀此為之廢卷長嘆 焯記

李講議汾 二十五首

汾字長源平晉人系出雁門曠達不羈好
以奇節自許避亂入關京兆尹子容愛其

歸潛志先名
讓字敬之

才招致門下留二年去之涇州謁張公信
甫一見即以上客禮之自是游道日廣然
關中無一人敢與相軒輊者元光末用薦

書得從事史館舊例史院有監修宰相為
之同脩翰長至直學士兼之編修官專纂
述之事若從事則職名謂之書寫特抄書
小史耳凡編脩官得日錄分受之纂述既
定以藁授從事從事錄潔本呈翰長平居

金史百官志
國史院書寫
女直漢人各
五人

無事則翰長及從事或列坐飲酒賦詩一
預史事則有官長掾屬之別長源素高亢
不肯一世乃今以斗食故人以府史蓄之
殊不自聊高張諸人率以新進入館史家
凡例或未能盡知就其所長且不滿長源
一笑故刊脩之際長源在旁則蓄縮慘沮
握筆不能下長源正襟危坐讀太史公左
丘明一篇或數百言音吐洪暢旁若無人

既畢顧曰坐漫爲一語云看秉筆諸人積
不平而雷李尤所切齒乃以嫚罵官長訟
于有司然時論亦有不直雷李者故證左
相半踰年不能決右丞師公以傷風化爲
嫌遣東曹掾置酒和解之不得已乃罷尋
入關明年駸數馬來京師日以馬價佐歡
道逢怨家則畫地大數而去又明年怕山
公仙在鄧之西山長源往說之署行尚書

金史哀宗紀天興元年六月丁丑恒山公武仙殺士人李汾又本傳仙令提帥王德追獲之鎖養馬平絕食而死歸潛志載長源夏夜向鴉銜暝色投林急螢曳餘光入草餘文士遇亂退藏極工此與他詩皆不及此眼之味長也

省講議官既而怕山與參知政事思烈相異同頗謀自安懼長源言論欲除之遁之泌陽竟為所害長源孝友廉介過人者甚多寧寒餓而死終不作寒乞聲向人人亦以此愛之平生以詩為專門之學其所得為尤多如洛陽才子懷三策長樂鐘聲又一年清鏡功名兩行淚浮雲親舊一囊錢煙波蒼蒼孟津渡旌旗歷歷河陽城長河

不洗中原恨趙括元非上將才三輔樓臺失婦燕上林花木怨啼鶻空餘一掬傷時淚暗隨昭陵石馬前同輩作七言詩者皆不及也辛卯秋遇予襄城盃酒間誦關中往來詩十數首道其流離世故妻子凋喪道塗萬里奔走狼狽之意雖辭旨危苦而耿耿自信者故在鬱鬱不平者不能掩清壯磊落有幽并豪俠歌謠慷慨之氣此詩

緣皆少作故多粗
率且於前人詩或
生吞活剽遂為近
代北地諸君子濫
觴矣

直是作賊耳
有何作處

兵火中散亡今就其少作予所能記憶者
錄之

陝州

黃河城下水澄澄送別秋風似洞庭李白形骸雖
放浪并州豪傑未凋零十年道路雙蓬鬢萬里乾
坤一草亭八月崢嶸霜樹老傷心休折柳條青

州北

州北光風艷綺羅南來扈從北人多梨園法曲懷

奴舞月窟新聲倩女歌紫禁衣冠出金馬青樓阡
陌瞰銅駝薄游却憶開元日常逐春風醉兩坡

再過長安

細柳斜連長樂坡故宮今日重經過一時人物存
公論萬里雲山入浩歌白髮歸來幾人在青門依
舊少年多自怜季子貂裘敝辛苦燈前讀揣摩

汴梁雜詩四首

天津橋上晚涼天鬱鬱皇州動紫烟長樂觚稜青

似染建章馳道直于絃犬牙磐石三千國聖子神
孫億萬年一榮治安經濟了漢庭誰識賈生賢

又

琪樹明霞五鳳樓夷門自古帝王州衣冠繁會文
昌府旌戟森羅部曲戾美酒名謳陳廣座凝笳咽
鼓送華輶秦川王粲何爲者憔悴囂塵坐白頭

又

樓外風煙隔紫垣樓頭客子動歸魂飄蕭蓬鬢驚

秋色狼藉麻衣浣酒痕天塹波光搖落日太行山
色照中原誰知滄海橫流意獨倚牛車笑孝孫

又

寨落關山對月明客窗遙夜夢魂驚二年岐下音
書絕八月河南風露清冉冉暮愁生草色迢迢秋
思入蟲聲誰知廣武英雄歎老却窮途阮步兵

上清宮三首

憶昔秋風從茂陵詞臣忝預漢公卿瑤池宴罷西

王母翠輦歸來北斗城石馬嘶殘人事改劫灰飛
盡海山平唯餘太一池邊月伴我駑鸞上玉京

又

蒼梧雲氣赤城霞綿絡鈞天帝子家仙掌高承九
霄露霓旌遙駐五雲車昆明火劫驚人世瀛海風
濤撼客槎醉裏忽逢王子晉玉笙吹上碧桃花

又

千劫塵緣謝吏曹道山仙闕事遊遨樓臺縹緲滄

不甚貫穿

溟濶宮殿森羅紫極高幾代雲孫接仙李千年王
母醉蟠桃詩成便欲還山去猶待君王賜錦袍

避亂陳君南山回望三秦追懷淮陰侯信漫

賦長句

此篇較完好

憑高四顧戰塵昏鶉野山川自吐吞渭水波濤喧
隴阪散關形勢輒興元旌旗日落黃雲戍弓劍霜
寒白草原一飯悠悠從漂母誰怜國士未酬恩

雪中過虎牢

蕭蕭行李戛弓刀踏雪行人過虎牢廣武山川哀
阮籍黃河襟帶控成臯身經戎馬心逾壯天入風
霜氣更豪橫禦賦詩男子事征西誰為謝諸曹

清明

鳴珂振轂滿重城春日綿綿老燕鶯人在碧雞坊
外住澹隨流水過清明

下第

學劍攻書謾自奇回頭三十六年非東春風萬里衡

此七字俱照歸潛志

門下依舊并州一布衣中原

余今年正三十七矣

磻溪

封侯輸與曲如鉤冷坐磻溪到白頭老婦厨中莫
彈鋏白魚留待躍王舟

感寓述史雜詩五十首

并引 錄五首

正大庚寅予行年三十有九獻賦明庭為
有司所病遂有不遇時之歎阜衣斗食從
事史館以素非所好愈鬱鬱不得志卧病

中僻居蕭條盡日無來人緬惟先哲凡所以進退出處之際窮達榮辱之分立身行道建功立事關諸人事者竊有所感焉於是始自騷人屈平以來下逮漢晉隋唐諸公終之以遠祖雁門武皇作爲述史詩五十首以自慰其羈旅流落之懷述近代則恐涉時事故斷自唐以下不論嗚呼三百篇大抵皆聖賢感憤之所爲作也余以愚忠謬信獲譏于斯世久矣非敢示諸作者庶幾後世有揚子雲者出或能亮予之宿心是歲秋七月既望并州人李汾引

蘇客卿秦

游說諸侯獲上卿賈人脣舌事縱橫可憐一世癡
兒女爭兼腰間六印榮

韓淮陰信

仗劍淮陰去復還舉頭西望識龍顏堂堂竟握真

王印未害男兒辱胯間

叔孫奉常通

秦時博士魯諸生漏網驪山百丈阮邂逅劉郎習

綿蕪便能彈壓漢公卿

高祖不可謂之即

馬中令周

脚踏長安陌上塵布衣西上欲誰親君王不省常

何策。憔悴新豐一旅人。

遠祖雁門武皇

死心唐室正諸侯鐵馬南來隘九州當日三鼎岡

上意諸孫空抱腐儒羞

擬張水部行路難

洛陽行人心欲折半年西州信音絕彈箏峽口兵

塵高半夜心懸隴山月君不見嗷嗷失群鳥淚盡

眼流血潼關晝閉漢使稀安得慰我生離別

雲溪曉沉圖

曉景溶明月落影潭西丘晴川挂煙樹光拂雲河

流楓林入行色關山生白頭
羨羨画中人憶我秦川游
君帆渺何許儻下滄浪洲
滄浪吾有約寄謝同盟鷗

古月一篇爲裕之賦

古月天不收敵君三萬秋天孫
弄明鏡光湧雲間流憶管放
逐江南州金陵女兒歌權謳
草裏烏紗巾散著紫綺裘
酒酣把玉笛直欲捫參歷井
騎斗牛醉中呼兒搖雙舟
吾欲乘流下石頭起來茫茫

視八極萬里只有元丹丘
丹丘子游人間風塵何爲
往復還玉華山人近招我
九日朝帝蒼梧山

西歸

大計露然所遭實然矣

擾擾王城足是非不堪多病決
然歸只因有口談時事幾被無
心觸禍機日暮豺狼當路立
天寒鵬鷗傍人飛終南山色
明如畫何限春風筍蕨肥

避亂西山作

此即鄧州之西山也武仙封桓山公

三月都門晝不開兵塵一夕捲
風回也知周室三

北則元南則宋
秦庭復在何許
長源語雖悲壯
每漫浪少持擇
也

川在誰復秦庭七日哀鴉啄腥風下陽翟草銜寬
血上琴臺夷門一把平安火定逐恒山候騎來

李戶部獻甫 一十三首

獻甫字欽用欽姊從弟也兄欽止欽若皆
中朝名勝家故將種而同時四進士人門
之秀照映一時欽用博通書傳於左氏及
地理之學為精為人幹局心所到則絕
人遠甚故時人有精神滿腹之目歷咸陽

敝邑二字記書掉
書之過也不若直
作大金為壯

兄而輸幣宋之於
遼是其前事直
便愚陋舍此善標
自招國恥

簿辟行臺掾屬正大初夏人請和朝廷以
馮子駿往議欽用預行夏使有口辯馮善
人無以折之往復之際至以歲幣為言欽

用不能平從旁進曰夏國與敝邑和好百
年今雖易君臣之名而為兄弟之國使兄
而輸幣寧有據耶曰兄弟且不論宋日曾
與吾家二十五萬匹典故具在君獨不知
耶金朝必欲脩舊好非此例不可欽用作

色曰使者尚恐言耶宋以歲幣餽君家而
賜之姓岸然以君父自居夏國君臣無一
悟者誠謂使者當以爲諱乃今公言之使
者果能主此議以從賜姓之例敝邑雖歲
捐五十萬某請以身任之夏使語塞和議
乃定使還朝廷錄其功授慶陽摠帥府經
歷官尋辟長安令京兆行臺所在供須之
繁急于星火欽用所以處之者常若有餘

縣民賴之以安入爲尚書省掾壬辰之兵
奏充行六部員外郎守備之策時相倚任
之以切遷鎮南軍節度副使兼右警巡使
五年少車駕東巡死于蔡州之難時年四十所著
詩書文號天倪集者留京師欽用死其家
亦破非同年華陰王元禮購得之幾有人
琴俱亡之恨然則文字言語之傳與否亦
有數存於其間耶

夏夜

銀潢淡淡沒疎星
一陣涼從雨後生
仰看浮雲成
獨卧數圍蛛網絡
中庭

九龍池春望

五年外地看清明
袖手低回過客亭
謝絮楚萍無
定著春光如我更飄零

萍實非浮萍也

興慶池書所見

短短菰蒲刺水青
翠萍開處鑑波明
画船轉過垂

楊外水面風來聞樂聲

題黃華幽居圖

層層佛屋貼山腰
山下幽居勝午橋
物外人家無
稅役閒中生理足
漁樵雁喻遠障凌
虛迴人與高
秋共寂寥何處人
間景如此便應歸
隱不須招

長安行

長安道無人行
黃塵不起生榛荆
高山有峰不復
險大河有浪亦已平
向來百二秦之形
祇今百二

秦之名我聞人固物乃固人不爲力物乃傾將軍
誓守不誓戰戰士避死不避生殺人飽獸敵自去
長安有道誰當行黃塵漫漫愁殺人但見蔽野雞
群鳴河東游子淚如雨眼花落日迷秦城長安道
無人行長安城中若爲情

別春辭

東皇按轡來何遲人間二月才芳菲六十日春能
幾時不如意事常相隨一聲啼鴉花片飛把酒却

與春別離春緩歸聽我歌滔滔歲月如流波貴憂
孰與賤樂多吾寧不欲列華鼎馳鳴珂香屏倚妓
薦綺羅人生賦分有定在誰能買愁費天和長安
市上酒如海跨驢徑上胭脂坡酒酣醉舞雙婆娑
春自來去如予何

秋風怨

疎星耿耿明天河夜涼翠幕生微波碧梧委葉傳
金井一夕秋風將奈何春風令人和秋風感人悲

妾愁自與秋風期秋風爭管人別離燈地垂紅粉
泥暗龜甲屏風雲影亂絡緯弔月啼不斷蓮漏墜
荷夜未半涼颼蕭蕭入疎竹枕底寒聲碎瓊玉敲
愁撼睡睡不明花露盈盈泣魚目秋風且莫吹念
妾守空閨嫁狗隨走雞隨飛九死莫作蕩子妻郎
薄倖妾薄命花自無言絮無定碧雲暮合郎未歸
幾度粧成掩明鏡

河上之役三首

河堤一決豈天窮失在當年固白公誰與麻岡閒
故道暫教版籍見山東

又

新築河堤要榮勳萬人採淨土孺薪青青好借曹

州柳舊是中原一段春

曹臨沒已久

又

萬夫卷土障橫流負土成山水未收明日落成真
盛事誰能作賦擬黃樓

圍城

碧樹蒼烟起算雲長安陌上斷行人百年王氣餘
 飛觀萬里神州隔戰塵身與孤雲向雙關愁隨落
 日到咸秦山河大地分明在莫為時危苦愴神

驟雨

龍戰雲塵擁日囚鞭驅雷電走蛟虬望中雨脚橫
 天落觸處湍聲卷地流梁苑樓臺失炎暑漢家城
 關動高秋若為借得天瓢去倒瀉明河淨九州

直書古句遺
 小多此體

資聖閣登眺同麻杜諸人賦

高閣凌雲眼界寬野烟碧樹有無間天邊孤鳥飛
 不盡陌上行人殊未還魏國幾回時事改汴堤干
 古夕陽閒愁來重倚闌干望崧少西頭是故山

○南冠五人

司馬侍郎朴 一首

朴字文季溫公之猶子宋兵部侍郎以奉
 使見留居于祁陽授以官託疾不拜遨遊

錄南冠者雖標
 士風而詩則在金
 作也嗚呼中州此
 日其地則是而文
 章非昔日之盛
 者其人物萃于
 南矣其師友淵
 源之付授此錄
 者所遺憾也

王公之門以壽終文季工書翰有晉人筆
意興陵萬機之暇嘗購其遺墨學之有雪
霽同韓公度登圓福寺閣和李劬之詩今
畧載于此積雪日出杲雪飛梅已殘朋游
要及時閣鄰有遐觀乘此蕪穢平快覽天
宇寬霽色混銀界曠望連江干山如白毫
相滉溢清揚端一氣轉浩渺萬里皆瀾漫
優哉賦梁苑想像排廣寒此下不可讀當

俟善本考之

無餘居士齋壁有沈傳師游道山岳麓詩石
刻穆仲等和之因亦次韻

湘西勝景豈易論群山騰闖萬馬奔鶴泉一麓騫
鵬嚼松風十里歲祗園當時侍御偶題寫筆力孰
敢爭雄尊東京少年妙詞藻南陽舊族齊陰樊天
心月脇出奇語使我展讀忘朝昏差差戈劍隱一
敵落落旗鼓嚴千屯無餘居士厲幽志細研六藝

方專門凍骨嬌兒慣腸寬啼飢瘦婦餘淚痕惟君
 德義允相愜每窮道妙角與根他人勸酒驚逐魂
 二子頻酌勤空樽醉中詩成渺江海風外幡影徒
 飛翻卷藏篋笥已戢戢風生襟袖何軒軒嗟乎我
 亦有餘腐陋哉羊政囚華元

滕奉使茂實

八首

茂實字秀穎姑蘇人初名裸徽宗改賜焉
 以太學正兼明堂司令與樞密路允迪翰

前日之羊子為
 政今日之事我為
 政或以此用政字

林脩撰宋彥通奉使割三鎮太原尋奉密
 詔據城不下國相怒囚使人於雲中欽宗
 北遷秀穎謁見涕泣請從行主者不之許

放允迪彥通南歸茂實留雁門與兄宗正

丞福字伯壽淮南發運使倚共居久之家人

至自汴梁秀穎往來并代之間布衣終身

臨終令黃幡裹尸而葬仍大刺九字云宋

使者東陽滕茂實墓士大夫哀其忠為之

起墳於雁門歲時致祭好問兒時先大夫
教誦秀穎臨終詩然亦僅能記末章數語
而已庚子春自山東還鄉里值鄉先生雁
門李鍾秀挺求秀穎詩文鍾秀云喪亂以
來家所藏書焚蕩都盡避兵山中民家偶
於破箱中得秀穎詩一編紙已敗爛前序
秀穎自作可辨者百餘字大畧言能安於
死生之分而不能忘感槩不平之氣又曰

蘇屬國牧羊海上而五言之作自此始予
敢援以爲例後叙是筆吏林泉野老彥古

彥古不
著姓

年七十八手錄三滕始末號東陽

滕秀穎鳳山思遠記者詩數百首可讀者
什六七臨終一詩缺三五字而已非筆吏
此集則秀穎之事無以見於世予意先生
名節凜然不媿古人其文字言語宜有神
物護持雖埋沒之久而光明發見決有不

可掩焉者因備述于此亦使彥古之名託
之而不腐云

荷字恐悞當作禡
見南申高濟叔碑

哀隆德守臣張確確浮休張舜民之弟嘗為

烏延帥幕獨不廷謁童貫作詩弔之

睢陽萬古一張巡忠義傳家有世臣顏子伏膺當

入室潘郎望拜肯同塵圍城已陷天猶晦仗劍臨

危氣益振餘子鄰邦盡曹李倫生端作九泉人

天寧節有感

松柏獻壽

節臨重十慶天寧古殿焚香祝帝齡身在北方金
佛刹眼看南極老人星千官花覆常陪燕萬里雲

遥阻在廷松柏滿山聊獻壽小臣孤操亦青青

汴梁

故老云徽宗本以五月五日生以俗忌
移之十月十日故此詩有重十之句

雨後蔬盤可喜偶成

過雨盤蔬日日新從今休歎庾郎貧寒藿安取咄

嗟辦火食不憂生死隣野苴何施雖可鄙美芹欲

獻去無回干戈萬里風塵晦慙媿平生肉食人

五日

節物驚心動遠思。薰風又見浴蘭時。空尋好句書
紈扇。無復佳人繫綵絲。酒注菖蒲唯欲醉。筒包菰
黍不勝悲。明年此日當何處。風裏孤蓬自不知。

喜雨

早暝雨霑渥豐穰。都不疑商羊應屢舞。布穀強多
知龍見寧非數。雲行自有時。當年班夏令曾得近
丹墀。

偶成

纖雲卷盡見秋容。古木交陰一掃空。雪壓群山曉
來雨。葉侵缺甃幾番風。欲歸未得人將老。屢送還
來鬼亦窮。賴得子卿佳傳在。整冠時讀慰飄蓬。

立春

東皇布政物皆春。山色禽聲便可人。滿谷和風消
積雪。半窗晴日動游塵。宮花插帽枝枝秀。菜甲堆
槃種種新。拘窘經時成土俗。聊從一醉適天真。

臨終詩

并序

筆力遂退者山真文章自別也

某奉使亡狀不復反父母之邦猶當請從
 主行以全臣節或怒而與之死幸以所仗
 節幡裹其尸及有篆字九為刊之石埋於
 臺山寺下不必封樹蓋昔年大病夢遊清
 涼境界覺而失病所在恐于此有緣如死
 窮微則乞骸骨歸悉如前禱預作哀詞幾
 手不達方之淵明則不可亦庶幾少游之

遺風也

秦少游有自挽詩

虜鹽老書生謬列王都官索米了無補從事敢辭
 難殊隣復盟好仗節來榆關城守久不下川陰望
 湯湯儉輩果不惜一往何當還牧羊困蘇武假道
 拘張騫流離念窘束坐閱四序遷同來悉言歸我
 獨留塞垣形影自相弔國破家亦殘呼天竟不聞
 痛甚傷肺肝相逢老兄弟悼歎安得驩波瀾卷大
 厦一木難求安就不違我心渠不汗我顏昔燕破

盧能蘇州府志
 有求安下有世
 事寧有此聊發
 我所存爵祿非
 所集金珠敢懷
 會

齊王群臣望風奔王蠋猶守節燕人有甘言經首
 自絕脰感槩今昔聞未嘗食齊祿徒以世為民况
 我祿數世一死何足論遠或死江海近或死朝昏
 歛我不須衣裹尸以黃幡題作宋臣墓篆字當深
 刊我室尚少艾兒女皆童頑四海無置錐飄流倍
 悲酸誰當給衣食使不厄飢寒歲時一酹我猶足
 慰我鬼我鬼亦悠悠異鄉寄沉寃他時風雨夜草
 木彌空山

吾郡祀賢宗
 者惟公等教
 人不愧耳

猶足應作

亦作自

通理何先生宏中

一首

宏中字定遠先世居雁門叔祖青出武弁
 任忻州兵馬使回家焉祖行宣西遊遇仙
 不返行宣之子子奇子霖政和中中武舉
 高科子奇秉義郎武州宣寧尉子霖忠翊
 郎守豐州安豐砦皆沒王事定遠子奇子
 也幼倜儻儀觀秀整雅以奇節自許宣和
 末方賊擾江浙定遠以太學武舉進士陳

破賊三策徽宗褒諭謂非近日言事者所
可比已而破賊如定遠策遂知名宣和元
年集英殿試策中第二調滑州韋城尉汴
京被圍州郡多避走獨韋不下兵退統制
武漢英奏辟欽宗御札召赴軍前以路塞
不果因請兵真定宣撫司時副帥种師中
兵已潰宣撫司檄定遠副漢英守銀冶路
既而太原破西路無完城定遠等提兵竝

山而東將赴援京師俄漢英戰死定遠收
合散亡竝山棚七十四所號令所及千里
而遠艱食數月人不敢相食詔以爲武節
大夫河東河北兩路統制接應使是後國
朝兵日盛所守唯銀冶一城而已帥府募
人生致定遠天會五年二月糧盡被擒大
帥昭刺憐其忠解縛授以官定遠投牒于
地曰我常以此物誘人出死力若輩乃欲

以此嚇我耶帥嘉其不降屈又問欲還鄉
否定遠謀南奔陽以願歸為言會監送使
臣有先與定遠相攻劫者愬之囚西京府
君廟二年帥一日召之授以官又不拜使
之克軍亦不從取家屬填城黃龍府益偃
蹇不行帥怒褫衣欲斬之定遠忻然就戮
曰得死所矣擁之行已數十步帥終不忍
召還問爾授官不願充軍又不行填城又

不行斬又不懼畢竟欲如何定遠徐曰生
死在公奚問為帥怒解繫之西京獄得州
人保任者數十族乃放歸請為黃冠時神
霄宮廢道士舊以徽宗為東華君將毀其
像定遠為起紫微殿遷像事之年六十三
正隆四年病歿自號通理先生所著成真
通理二集藏于家州將傅慎微幾先贈詩
云故人何定遠造物不虛生骨骼稜稜瘦

詩篇字字清世皆尊道義我獨見忠誠尊
酒分攜後何時蓋復傾其餘與朱少章輩
唱酬甚多皆為所推重載之墓碣之陰

述懷

馬革盛尸每恨遲。西山餓踣更何辭。姓名不到中
興曆。付與皇天后土知。

醉軒姚先生孝錫 三十二首

孝錫字仲純豐縣人政和四年登科調代

州兵曹國朝兵入雁門州將議以城降官
屬惟怯投死無所仲純投床大斲畧不以
為意帥府就注五臺簿未幾移疾去回家

五臺善治生亭榭場圃富於遊觀賓客日
盈其門州境歲饑出家所藏粟萬石賑貧
乏多所全濟鄉人德之中年之後以家事
付諸子放浪山水間詩酒自娛醉軒其自
號也資稟簡重喜怒不形于色棄官時年

二十九至八十三乃終名士大夫為詩以
 弔者數十人先生長于尺牘所著雞肋集
 喪亂以來止存律詩五卷而已今畧載於
 此次冠卿韻云節物後先南北異人情冷
 暖古今同次趙獻之韻云紅纈退風花著
 子綠鍼浮水稻抽秧溪墅早春云久客友
 情諳冷暖衰年病骨識陰晴春日和德充
 云烟染綠絲迷別浦雨催紅糝綴長條新

詩云愁邊日晷偏短夢裏江鄉未當歸
 盤無兼味慙留客夢獸多岐不到鄉賦雪
 云酒敵餘威翻索莫詩含幽思倍清新雨
 云岸漲魚吹沫山空石轉雷雪云舞風初
 學絮帶雨不成花峯山寺云谷虛繁地籟
 境寂散天香雲生古木千章秀山抱晴川
 一掌平懷士會云詩忙疎酒醜俸薄減厨
 煙感懷云玄晏算年常抱病子山終日苦

息婦古詩尤有高趣恨不復見之矣

挽詞今載

于此掌飲令胥持國云山東夫子老河東
 誰與先生臭味同早歲遽辭名宦裏百年
 常樂聖賢中醉軒風月千秋恨蝸室樽罍
 一夢空白玉樓成人不見空餘鄉淚託東
 風 司經劉迎云百年陸陸變蒼茫晚向
 山林得老蒼孤幹鬱生陳柏樹故基端立
 魯靈光謀生有道田園樂閱世無心壽命
 長何日車聲過通德拜公一炷影前香
 高平李仲畧云早歲才猷著崎嶇步世艱
 非嫌食周粟甘學抱吳關高義追東漢移
 文謝北山孤風激貪懦凜凜莫容攀 平
 水毛麾云蓋世清芬五十年直疑湖海水
 雲仙不矜江夏無雙譽便造南華第一篇
 松菊就荒堪笑晚尊鱸託興果誰賢佳城

鬱鬱高名在應與臺山萬古傳 西京都

轉運使丹元子田彥臯云琳琅風月三十

首游戲塵凡八十秋三徑尚存元亮菊五

湖空負子皮舟 王元老云夫子人之傑

魁然道最純鄉閭連沛邑族系出虞賓清

節冰壺瑩孤標玉樹新妙齡探桂窟雅志

傲蒲輪事業傳衣鉢風流表縉紳斗南惟

此老月旦復誰人忍死笑亡社偷安笑具

臣斯文雖未喪吾道竟難伸彭澤不書宋

東陵無負秦直從強健日收得自由身把

臂言猶在回頭迹已陳發書占賈鵬絕筆

感商麟去矣騎箕尾嗟哉厄已辰終天從

此別窮壤向誰親隨樽逢王果留燈待沈

彬彭殤俱逝水丘跖共荒榛書帶緣新隴

笛聲起舊鄰絕絃雙隋淚挂劍一傷神豕

樹悲長夜山花作好春龜趺平木杪誰為

寫光塵 承旨堂世傑云望西山以馳乎
 予其下維德人抱明月以螭盤予寧終屈
 而不伸天昏廓以四闢予群飛紛其上翥
 將搏拏以竝征予惜衝風之落羽蘭為佩
 予桂為帷誰招余者予余從與婦青雲豈
 難振跡予願捷結之不素玄豹自媚其文
 予亦何嫌於隱霧詩書與友予琴尊與游
 適意自安予樂聞自休出吾餘以研桑予
 猶足以比素封之侯惟清閒為祕福予非
 有力能兼取雖神仙猶可畏予曾莫樂于
 下土數與數相乘除予常此奪而彼與陋
 巖栖之下槩予心實往而跡歲出非微而
 處非隱予吾獨蹈古人之所常隨
 時委順以終老予噫先生為不亡

睡起

伊能詩清利上無出格語

生涯甘分寄畊桑山色圍門水遶墻困病久懲耽
 酒癖愛閒猶有和詩忙簷冰滴砌春猶冷野馬浮
 川日漸長舊事老年多記憶故園歸夢正悠颺

柳溪別墅

安車隨意飽甘肥晚食徐行理亦齊山市日高人
 未集柴門客至鳥先啼溪橋散望攜筇度野寺牽
 吟信筆題容膝易安聊自適甕天閒看舞醯雞

歲晚懷二弟

少易成歡老易傷壯遊垂白未還鄉
 煙塵無復音書到竟夢猶疲
 道路長爆竹又驚新薦歲屠蘇空
 憶舊傳觴年年此日遙相憶鴻雁
 何時續斷行

睡起

睡起日侵牖開軒遙見山曉風吹臘
 盡芳草惹春還煙暖鶯遷谷雲低
 雁渡關衰年人事減遇酒得

開顏

次李平子登臺有感韻

落日孤雲帶遠岡戍樓烟瘴舊邊場
 疲民卒歲方懷土遠客憑高自憶鄉
 漢使一朝何意延回皓秦詩千古
 弔三良行藏此意無人解聊借青山
 送酒觴

九日題峰山

不須歌吹上赧臺千里晴川入座來
 世事難憑休挂口生涯見在且銜盃
 無情趁暖花先老有信迎寒雁已迴
 遙想故園親種菊霜枝露藥向誰開

次韻王無競見寄

客懷重倚仲宣樓白草黃雲塞上秋山色不隨塵
世改水聲還抱故城流隙中畏景那堪玩鏡裏衰
顏祇自羞多愧詩人苦相憶遠傳佳句弔清愁

閒居

無客訪衰殘柴門盡日關耽書真是癖惜酒近成
慳苔徑行搜句茅檐卧看山却嫌明鏡裏偏照鬢

毛斑

和成冠卿見寄

別恨頻添鬢雪深百年懷抱鬱沈沈標名不挂金
銀榜涉世空堅鐵石心俗物何勞供一醉殘僧正
欲伴孤吟朱絃三弄虛簷竅唯有清風是賞音

次韻秋興

白：是詩只句：是他人道過

老畏年光速愁添旅夢多西風著梧竹歸思入煙
波夜永憑詩遣顏衰得酒和故溪千樹柳誰復曬
漁蓑

感白髮

彈鋏憑誰聽客歌震雷那復化魚梭梳頭白雪驚
新有障眼玄花比舊多鄉問阻兵猶斷絕羈懷憑
酒暫消磨不須更問今朝客門外元無雀可羅

曉霽

一夜雲峯卷迅雷殘紅狼藉點蒼苔鸞聲豈解留
春住燕語虛勞喚夢迴愁寂頓疑詩思減衰殘偏
感歲華催柳溪魚鳥應相識乘興無嫌日日来

重九偶成

天邊今日又重陽隴樹紅飛雁信霜且插茱萸慰
衰鬢莫將詩句撓迴腸歌勤皓齒人俱醉舞戀晴
暉蝶也忙來日預期扶宿酒未應籬菊減秋香

溪橋早春

輕黃未染柳梢勻連日溪風卷塞塵下暖下寒花
信晚相呼相應鳥聲頻少勤謾扶經綸策老懶空
餘病患身追憶故園桃李樹年年紅紫爲誰新

東軒琴示兒子沂

古人無復見但有東軒琴一鼓高山操因窺古人
心正聲久沈埋俚耳喧哇淫正可自怡悅不須求
賞音

花前獨酌二絕句

老將花酒作知音起就花前酒自斟莫便興來先
酩酊却妨真賞廢搜吟

又

移得名花手自栽花知不爲老人開興來誰是尊

前客唯有提壺送酒盃

題柳溪別墅

雨霽風和不動塵柳邊攜酒賞晴春頻來溪鳥渾
相識渡水穿花不避人

芍藥

飛
絲萼披風瘦紅苞浥露肥只愁春夢斷化作彩雲

次韻李相公偶成

簾鳥喚歸夢竹風追夕涼感時空有淚却老分無
方流水依山白孤雲帶日黃無人共尊酒散髮卧
藜床

村居偶成

靜愛柴門野興幽杖藜徐步到岩丘深林有獸鳥
先噪廢圃無人泉自流土瘠稅租隨力辦年豐禾
黍過時收客來不慮無供給白酒黃雞亦易求

用峯山舊韻二首

信步西風寺窮幽未覺賒松根纏石瘦雲磴出岩
斜思爽餘三唱詩成自一家空餘幾兩屐不踏渡
溪槎

又

春水上堤沙春晴散望賒衰年花近眼久客夢還
家暝日孤鴻沒迎風雙燕斜平生江海意早晚送
浮槎

題佛光寺

亦是道過語

臧穀雖殊竟兩亡倚闌終日念行藏
 已忻境寂洗塵慮更覺心清聞妙香
 孤鳥帶煙來遠樹斷雲收雨下斜陽
 人間未卜蝸牛舍遠目橫秋益自傷

芭蕉

鳳翅搖寒碧虛庭暑不侵何因有恨事
 常抱未舒

心

蜀葵

傾心知向日布葉解承陰空側黃金盞
 誰人與對

斟向日戎葵何與莫襲前詩誤添

次韻公才對菊見懷

髮蓬新感二毛侵尚阻清尊對菊斟
 久擬芝蘭同臭味莫疑魚鳥自高深
 食貧豈復甘秦炙客病空懷奏楚音
 挂席無由上牛斗漫憑流水送歸心

寄田朝散善輔

粉署標名舊山城識面新青雲摧勁翮
 空谷滯幽人世路謀身拙心田育德醇
 久要知可卜傾蓋已

也牛斗謂行都

情親

春日書懷

雲散交情薄
 棊翻世態新
 山容猶帶臘
 鳥語已回春
 春節物驚心
 遽丘園入夢
 頻東風如解語
 端笑未歸人

春日溪橋

留戀春光慰病顏
 無情風雨卷春還
 陰陰密綠籠溪暗
 細細疎紅點
 徑斑老去益憐詩
 思澀懽來聊

破酒腸慳不嫌門外無車轍
 得遂衰慵一味閒

登樓有懷

老愧凭闌目力昏
 百年懷抱向誰論
 晴空雁起雲邊塞
 夕照人歸郭外村
 因記昔遊驚迅晷
 暫將離恨付清尊
 誰人肯似邊居士
 遠駕朱輪過雀門

題滕奉使祠

本期蘇鄭共揚鑣
 不意芝蘭失後凋
 遺老祗今猶涕泪
 後生無復識風標
 西陲雁度霜前塞
 滹水樵

此不得入此集

少章自北凡十五年

當作皇統二年紹興十二年乃閱者所記而傳寫偶承之耳金史熙宗紀是年八月丁卯詔歸朱

弁張邵洪皓於宋交聘志同熙宗紀載皇子生大故事在二月中三人之歸則以和議成故也

爭日算橋追想生平英偉魄凌雲一笑豈能招

朱奉使弁三十九首

弁字少章宗吉州團練使天會六年以通

問見留命以官託目疾固辭粹然以錐刺

之而不為瞬用是得歸凡居雲朔二十年

自號觀如居士有曲洧風月堂詩話行於

世紹興十二年皇子生大赦宋使洪皎張

邵朱弁南歸少章古詩云玉局支流近體字少陵非周德柳等可望惜稍意弱

蘇子翼送黃精酒

仙經何物堪却老較功無如太陽草龍銜雞銜名

雖異菟公羊公事可考蘇君真是神仙裔橘井陰

功貫穹昊雲笈書成數萬言銀關珠宮用心早獨

知此物有奇効福地名山為儲寶不憚林泉新劓

掘斥去杵臼謝飾擣況從高士論麩糜更課公田

收秫稻一朝靈液浮瓮盎三冬浩氣生襟抱且欣

軟飽得饒腸漫說逆流工補腦眼碧那憂散黑花

髮白故應還翠葆賈傅只嫌松醪陋劉隋敢誇桑
 落好直須五斗論解醒寧待三杯乃通道誰知萬
 里落旄人亦許苑尊自傾倒為君喚迴雪窖春八
 載羈愁供一掃曼倩宜分此日桃安期莫詫他年
 棗何煩更採石斛花已覺容顏不枯槁根連石室
 喜入夢句擬桐溪媿摘藻平生我亦愛書札朱髓
 綠腸勤探討幸君汲引成此志鶴駕駸駸望仙島
 吞腥啄腐非夙心歲晚茲言良可保

初春以蔓菁作齏因憶往年避難大隗山采
 蘋澗中為齏齏成汁為粉紅色而香美特異
 乃信鄭人所言為不誣矣今食新齏因成長

韻

歲蔬飽三冬媚盤無霍靡陳齏解束縛冰雹散刀
 几春畦蕪菁苗入眼漸可喜青黃含風露採摘從
 此始持鼎作新齏一飽競鮮美芬香溢肺肝甘脆
 響牙齒捫腹幽窗下芻豢詎能比憶昔避難初竄

身重崑裏雲煙昏具茨老稚且棲止燕兵大搜索
焚蕩石牛底脫命獨虎山野笑紛回起莫投山前
店茅棟例燒毀潛伏窟室中衣敝不蓋體妻孥坐
相對生意薄於紙晨朝行澗中采芹澗邊洗鄭人
誇此齏他菜非所擬氤氳投瓦盎觸鼻似蘭芷一
杯紅粉羹析醒勝仙醴乃知野人獻涼薄未宜鄙
今來滯殊鄉白首家萬里猶能對葷羶咀嚼出宮
徵回思十年夢爭奪殊未已飽食但謀身吾穎良

有此

北人以松皮爲菜予初不知味虞侍郎分餉
一小把因飯素授厨人與園蔬雜進珍美可

喜因作一詩

吾老似出家晚悟媿根鈍滋旨却羶葷禪悅要親
近偉哉十八公茲道亦精進舍身奉刀几割體絕
嗔恨鱗皴老龍皮鳴齒溢芳潤流膏爲伏龜千歲
未須問便堪奴筍蕨詎肯友芝菌跣趺得一飽萬

事皆可擯侍郎文懿後落落眾推俊澹然世味薄
 內典得所信香厨留淨供頻食不言頓晏然默不
 語草木雷音震得法於此公骨髓傳心印應憐持
 節人餉此為問訊欲將無上味為我洗塵至食之
 不敢餘感激在方寸

予以年事漸高氣海不能熟生暖冷旅中又
 無藥物遂用火攻之策灼艾凡二百壯吟呻
 之際得詩二十韻

揚子法言問道
 篇火用之而強
 明宿之而強壯
 又方言注淮南
 人呼壯二傷也

不作漳濱卧年侵血氣衰據鞍思少壯攬鏡歎清
 羸有病方求艾無營莫問著心知出下榮理勝遇
 中醫陽燧神逾速銅仙術盡施論功鄙炮製取穴
 辨毫釐火帝恩光異炎官績用奇書螢比差似珠
 蟻迫方知忖物嗟炮鼈觀形笑灼龜燻微初炙手
 氣烈漸鑽皮閉目書徒展支頭枕屢移發狂還自
 晒賈勇僅能支宋鷁追風日吳牛喘月時忠言勞
 緩頰善諳為開眉服氣工夫遠燒丹歲月遲衛生

防後患伐性釋前疑展轉那成夢呻吟且當詩
心念民瘼出位歎身卑欲已七年病當從百世師
保身將保國未可廢箴規

元夕有感

朔雪餘千里東風徧九州關河中土異燈火上元
愁綠蟻嘗新釀青貂戀故裘紫姑無用卜世事正
悠悠

憶鍾離濬

浚都同聚讀書螢楚岸春風憶送行三十年前初
識面回千里外更關情出疆我亦徒勞爾入仕君
今何似生旅雁相逢須一問要從郵上得新聲

炕寢三十韻

風土南北殊習尚非一躅出疆雖仗節入國暫同
俗淹留歲再殘朔雪滿崖谷禦冬貂裘敝一炕且
跼伏西山石爲薪黝色驚射目方熾絕可邇將盡
還自續飛飛湧玄雲燄燄積紅玉稍疑雷出地又

似風薄木誰容鼠棲冰信是龍銜燭陽曦助喘息
未害搖空腹惠氣生袴襦仍工展拳足豈惟脫膚
鱗兼復平體粟負暄那用詫執熱定思沃收功在
歲寒較德比時燠雖餘炙手焰寧有爛額酷矧當
炎冱晨炎帝獨回轂玄冥真退聽祝融端可錄嗟
予亦何者萬里歌黃鵠偃仰對窗扉妍暖謝衾褥
壯懷羞竈媚晚悟笑突曲因思隋指人暴露苦鞍
瘃頻年未解甲蹈此鋒刃毒遙知革輅中肝食安
豆粥陪臣將命來意懇誠亦篤有竒不能吐何術
止南牧君心想更切臣罪何由贖此身雖自溫此
志轉煩促論武貴止戈天必從人欲安得四海春
永作蒼生福聊擬少陵翁秋風賦茅屋

秋泉次韻

新醅滃滃溢瓶盆漱石秋泉帶雨渾翡翠杯深雲
液凝鷓鴣杓滿月波翻照人光入尊壘瑩流齒香
隨語笑噴已拚扶頭日三丈朝醒未解任昏昏

夜雨枕上

淅淅風聲止淒淒雨氣涼
愁工縈客思夢故遶江
鄉書疏親朋少干戈歲月長
平城弭節地可復見
秋霜

客懷

兵氣常時見客懷何日開
形骸病自瘦鬢髮老相
催已負秦庭笑終期漢節回
風雷識我意一雨洗
氛埃

秦庭事不類

歲序

歲序忽將晏節旄嗟未還
低雲慘眾木寒雨失群
山喪亂關詩思謳謠發
病顏夢竟識舊隱時到碧
溪灣

白髮

白髮使車前煙波思渺然
斗牛邊霜清穫稻日風急授衣
天客館但愁坐釣舟誰醉眠
乘槎會有便真到斗
牛邊

有感

容貌與年改鬢毛隨意斑雁邊雲度塞身外日銜
山仗節功奚在捐軀志未閒不知垂老眼何日覩
龍顏

劉善長出示李伯時画馬圖

俯首舉尾拳一蹄掣韁欲嗅驕不嘶奚官偻肩兩
足垂意貌自與造父齊雞目麟鬣鳳皇臆玉山禾
遠未容食齧雲追電有餘地置之画圖人豈識精

蘇公韓馬詩如
追風駿足豈復
來賢所能學
步

神權竒孰可班常在白兔青龍間君知此馬從何
來龍眠胸中十二閑

謝崔致君餉天花

三年北饌飽羶葷佳蔬頗憶南州味地菜方爲九
夏珍天花忽從五臺至崔侯胸中散千卷金甌名
相傳雲裔愛山亦如謝康樂得此攜歸豈容易應
憐使館久寂寥分餉明明見深意堆盤初見瑤草
瘦鳴齒稍覺瓊枝脆樹雞濕爛慚扣門桑蛾青黃

漫趨市赤城。菌子立萬釘。今日因君不知貴。乖龍
耳僅免一割沙門業。已通三世偃戈息。民未有術
雖復加餐祇增媿。雲山去此縱不遠。口腹何容更
相累。報君此詩永為好。捧腹一笑萬事置。

戰伐

戰伐何年定。悲愁是處同。黃雲紫晚塞。白露下秋
空。魚躍深波月。鳥啼落葉風。誰知渡江夢。一夜繞
行宮。

起甚老

龍福寺煮東坡羹戲作

山寺解塵鞅。溪邊有微行。手摘諸葛菜。自煮東坡
羹。雖無錦繡腸。亦飽風露清。鈎簾坐捫腹。落日千

峰明

丙申中秋不見月

少章奉使在戊申其歸以壬戌非丙申乃傳寫誤

中秋萬里月。何處駕冰輪。底事隔年會。不憐今夕
人。兔疑停杵臼。蟾豈避風塵。默識嫦娥意。承平賞

更新 意語俱到第二篇真入子美之室

十七夜對月

病骨怯風露。愁懷歇甲兵。人居絕域久。月向此宵明。輪仄初經漢。光分半隱城。遲遲不肯下。應識異

鄉情。人謂少章此詩似微升古塞外而未章尤為淒絕必有能辨之者

睡軒為趙光道作

淡炷爐香睡息勻。蕭然一覺得天真。生涯聊示人間世。緣境都忘藥裹身。窺牖屢來從汝喚。叩門空去任渠喚。更須滿壁圖雲水。卧想江湖渺莽春。

南齋即事

頻年行役夢庭闈。陟岵常嗟脚力疲。每訴酒巡嫌客惡。力營官事笑兒癡。雲山幸不持錢買花竹。何妨帶雨移此味。貴人元未識恐緣詩好被渠知。

錢和父之并州

有北何堪說。如南未是歸。并門子徑往。漢節我方鞿。筆硯論心久。干戈會面稀。新程相憶處。路入嶺雲微。

獨坐

草凍慵抽碧桃瘦懶暈紅黃雲猶漢野紫塞湯春
風使節空留滯侯圭未會同堦除雪不埽獨立數
埽鴻

寒食

絕域年華久衰顏淚點新每逢寒食節頻夢故鄉
春草綠唯供恨花紅只笑人南轅定何日無地不
風塵

上巳

行行春向暮猶未見花枝晦朔中原隔風煙上巳
疑常令漢節在莫作楚囚悲早晚鸞旗發吾歸敢
恨遲

送春

風煙節物眼中稀三月人猶戀褚衣結就客愁雲
片段喚回鄉夢雨霏微小桃山下花初見弱柳沙
頭絮未飛把酒送春無別語羨君纔到便成歸

落句結到送字
恰好中間有一
朱少章極淺却
有味

天問絕句

穴邊酣戰君臣蟻波上群嬉婢妾魚苦樂不同同

一字問天此理竟何如君臣蟻婢妾魚宋人惡對妾字九字屬齊補

客夜

城月四更上窗風一室幽織雲縈雁塞重霧逼貂

裘兵革何年息乾坤此夜愁殊鄉兩行淚騷屑洒

清秋

憶抱

客滯殊方久山圍絕塞深秋風入橫笛夜月俯沾

襟造膝他時語捐軀此日心飛霜滿明鏡髮短不

勝簪月傍九霄多月傍關山幾度明九霄關山可用傍若云傍襟恐未穩也少章以勇爵為銜命之副造膝亦未切

重九

九日今何地寒深紫塞霜敢嫌蘆酒濁且對菊花

嘗歲月雙蓬鬢乾坤百戰場賜莫知未舉夢自識

駕行少章愛遺山歲月行如此江湖坐渺然以為真老杜語此篇腹聯六源於江海三年客艱坤百戰場也少章作此語意切矣要於杜老神髓猶不盡耳

次韻劉太師苦吟之什

長城五字屹逶迤可笑偏師敢出奇句補推敲未
安處韻更疾絮益難時癡迷竟作禽填海辛苦真
成蟻度絲却羨彌明攻具速劉侯湯說也能詩

善長命作歲除日立春

土牛已著勸農鞭葦索仍專捕鬼權且喜春盤兼
守歲莫嗟臘酒易經年東風漸入江梅夢朔雪猶
迷塞柳天元會明朝定何處羈臣揮淚節旄前

次韻子文秋興

逸興常時有逢秋一倍多山長含楚雨天遠接吳
波尋壑同元亮浮家伴志和釣竿行入手還著向

來蓑

秋字六酒畧作果結且題屬感興未可只言樂志畫撥
悲思

冬雨

冬雨不成雪北風寒未深山歲千疊秀雲結四垂
陰迥洒凌朝閣殘聲入夜衾端能洗兵甲足慰此

時心

寒食感懷次韻吳英叔

疾風甚雨老難禁
嶺外無錫誰解吟
雙鬢客塵諳世變
兩眉鄉思儘愁侵
榆錢何處迎新火
杏粥頻年繫此心
落日高城竟易斲
天臨牛斗五湖深

春陰

關河迢遞繞黃沙
慘慘陰風塞柳斜
花帶露寒無戲蝶
草連雲暗有藏鴉
詩窮莫寫愁如海
酒薄難將夢到家
絕域東風竟何事
祇應催我鬢邊華

寒食

清明六到客愁邊
雙鬢星星只自憐
兵氣纏巢鳳閣節
旄已落牧羊天
紙錢灰入松楸夢
劍刃粥香隨榆柳
烟北向雁來寒霧隔
音書不比上林傳

李任道編錄濟陽公文章與僕鄙製合為一
集且以雲館二星名之僕何人也乃使與公
抗衡獨不慮公是非者紛紛於異日乎目作
詩題於集後俾知吾心者不吾過也庚申六

月丙辰江東朱弁書

庚申為紹興十年少章留北音
已十三年矣

絕域山川飽所經。客逢歲晚任飄零。詞源未得窺
 三峽。使節何容比二星。蘿葛施松慙弱質。蒹葭倚
 玉怪殊形。齊名李杜吾安敢。千載公言有汗青。陽
 公謂宇文叔通叔通受官而少章以死自守取用
 叔通見此故此詩以不敢齊名自託至於書年為
 庚申與稱江東朱弁妙在似不盡危行言遜合于溫柔敦厚
 者蓋亦有深意云之教矣 末句太露

秋夜

秋夜雖漸永未抵客愁長。秋月雖已圓不照寸心
 方將心貯此愁真作萬斛量。為月憐此夜誰共千

里光空令還家夢欲趁征鴻翔

○附見

蘧然子趙滋 一首

滋字濟甫本出馮翊其祖貞元間來為南
 京漕司戶籍判官卒官下妻子不能歸遂
 為汴人濟甫少日出閭里間其曉音律善
 談笑得之宣政故家遺俗者為多及長猷
 於游蕩乃更折節取古人書讀之學書學

畫學詩學論文立志既堅力到便有所得
爲人強記默識不遺微隱唐以來名人詩
文往往成誦如目前考論文義解析脈絡
殆若夙昔在文字間者画入能品詩學亦
有功如黃石廟等作今代秉筆者或亦未
可輕議閒閒趙公書法爲今代第一手學
者多做之但得其形似而已濟甫筆勢飛
動頗得公不傳之妙宗室胙公文采風流

照映一時而濟甫以布衣從之游商畧法
書名画胙公亦以真賞稱焉隆德太一故
宮樓觀臺沼門戶道路花木水石悉能歷
數之聽者曉然如親到其處至於宋名賢
所第宅坊曲與其家行輩群從孫息姻婭
排比前後雖生長鄰里者不加詳也嘗過長
清一禪寺與僧談僧言五派傳授圖大不
易作濟甫笑曰易與耳因索筆作圖坐中

他日以舊本證之，不毫末差也。丁酉歲，歿於東平時年五十九。

黃石廟 六江西詩

狂豪擊車代無人，神石一砭志乃信。吹噓風雲遮楚秦，炎精熾然四百春。一編尚恪續後塵，江山有待終此身。望望久愁橫目民，朝陽淒淒霜未休。江燕竟來江北游，山回鼎移海橫流。天風何時清九州，草泥自古踰王侯。神棄不郵誰當羞，割牲醜酒

空千秋

先大夫詩 四十三首

鄉先生權叅知政事，代郡楊公叔玉。謨先人墓銘，今畧載於此。先生姓元氏，字德明，秀容人。唐禮部侍郎次山之後，自幼讀書，世俗鄙事，終其身不挂口，為人誠實樂易。洞見肺腑，雖童子以言欺之，亦以為誠然也。先大夫歿，遺產無幾，先生布衣蔬食處

叔玉文全者既不
可見遺山墓誌
中止曰父某後
人脩金史者無
所考証亦止曰
元德明而已。
遺山集中為弟
要配婚祭家廟
文稱顯伯考中
順大夫東嶽府
君顯考廣威
龍城府君豈東
嶽之子而為廣
威龍城後耶

之自若家人不敢以生理累之僮奴有竊
拾東家之棗者立命還之貧人負債則往
往令折券以貸之也累舉不第放浪山水
間未嘗一日不飲酒賦詩春秋四十有八
終于家先生作詩不事彫飾清美圓熟無
山林枯槁之氣居東山福田精舍首尾十
五年東崑其自號也有集三卷藏于冢銘
曰貪夫徇財智士死名宇宙古今萬轍混

并我機弗張我戶弗扃天宇泰然物莫敢
撓飲芳食菲岩岫杳冥玉佩瓊琚御風冷
冷魯山之醇次山之清閱世幾傳猶有典
刑邈哉先生明昌承安間科舉之學盛大
夫士非賦不談人知先人有聲場屋間其
以詩文爲業則不知也先人捐館後十年
好問避兵南渡游道日廣世始知有元東
岩之詩楊尚書之美云彼美元夫子學道

知觀瀾孔孟澤有餘曾顏膏未殘林觀察
顯卿云文章變古名新體孝弟傳家守舊
規雷內翰希顏云詩句妙九州孝友化一
川王右司仲澤云讀書楓樹林曳杖白石
灣至今文彩餘虎子仍斑斑李長源云衣
冠巢許自高雅岩壑夔龍非棄捐餘人不
能悉記家集亂離以來凡三失之今所存
者特吾益之兄及門生輩所記憶者耳小
子不肖暗於事機不能高蹈遠引戀繆升
斗微俸萬一以取繫維之禍殘息奄奄朝
夕待盡誠懼微言將絕謹以古律詩四十
首附之中州集之癸冊庶幾來者知百餘
年間作詩如先人而人或未之見其餘抱
一槩之操泯泯黜黜終老而無聞者豈勝
計哉是又可一嘆也

桃源行

山中三月山桃開紅霞爛熳無邊涯音崖山家藏春

藏不得落花流水人間來憶昔攜家竄岩谷秦人
半向長城笑回頭塵土失咸陽繒弋徒勞羨鴻鵠
冬裘夏葛存大朴小國寡民皆樂俗晝永垣籬雞
犬閒春晴門巷桑榆綠漁郎偶到本無心仙境何
緣得重尋今日武陵圖上看唯見雲林溪復溪

送德溫同舍赴簾試

太常侍祠水蒼珮內相夜下金蓮燭皇家結網未

曾疎亦有佳人在空谷一從唐賦變遺律仰視折
楊猶雅曲雲臺勲業一青衫被髮操戈踵相屬筋
疲力涸僅乃得墨水一升凡幾辱英雄俛首入彀
中舉世悉然非子獨子家口眾親又老歲月旨甘
須寸祿薦書聞說過南宮冷暖人情到僮僕我初
與子偕計吏人後人前隨碌碌不慙齊客售鼓瑟
頗爲荆人悲獻玉一詩今日送君行萬里秋風看
鴻鵠功名前路知不免雞黍後期良未卜錦標無

用唵龍頭帛書且當傳雁足

雨後

十日山中雨今朝見夕陽乾坤覺清曠草棘有輝
光竹影搖殘滴松聲送晚涼南窗聊自適無用說

義皇 後稍怯

覽鏡 吾上云爾

四十宜未老。年年添鬢絲。直教隨牒去。也是挂冠
時。臺閣多新賦。山林有逸詩。悠然一尊酒。滿酌不

須辭

室人生朝

新酒清渾共糟床。洗盞嘗平時。唯欲醉此日。重難
忘。容服慙王霸。山林得孟光。白頭翁與媪。萬事聽
諸郎

太原古城惠明寺墪秋望

潘美移城予三交

西山萬古壯陪京。一日汾流入廢城。浩浩市聲爭
曉集。昽昽原隰但秋畊。晉公老去詩仍在

晉公晉陽官舍

春日詩云白頭官
舍裏今日又春風
越石亡來恨未平
千尺浮圖暮
烟底瓦盆濁酒為誰傾

薄遊同郝漕子玉賦

全晉山河百戰場
登臨歷歷見興亡
夷屠猶雜尤
堪歎霸氣沈雄亦未量
石瓮烟霞詩秀潤
駘駘風
月酒淋浪書生不是功名具
慙媿山翁閨葛強

山中秋夕

黃卷存餘習青燈共晚涼
只知書味永不覺鬢絲

長老檜千年物幽蘭一國香
平生陶靖節此夕邀
相望

寄宗人彥達

交城人

杯酒無緣接舊歡
空將書尺問平安
要君知我詩
成處落日西風正倚闌

榴華

山茶赤黃桃絳白
戎葵米囊不入格
庭中忽見安
石榴歎息花中有真色
生紅一撮掌中看
模寫雖

工更覺難詩到黃州隔千里画家辛苦費鉛丹

過鳳皇山

在雁門

鳳皇聞說似天壇北去南來馬上看想得松聲滿
崑谷秋風無際海波寒

瓶形嶺早發

在繁時界

海雲蕭瑟雪花乾人在羊腸百八盤閒客不知名
利苦見時應作画中看

寒食再遊福田寺

春山寂寂掩禪扉複嶺盤盤入翠微布鞵青鞵供
勝踐粥魚齋鼓薦玄機日烘幽徑綠煙暖風定曉
枝紅雨稀曾是西堂讀書客不應啼鳥也催歸

家園假山

八尺飛來峰蒼然立於獨細看甲乙字疑是平泉
旗山非一草石見石山亦足便恐東岫雲來我簷
下宿今朝鑿盆池明朝種松菊自笑住山人何時
返巖谷

同侯子晉賦雁

沈沈江浦雲浩浩朔漠雪微生幾寒暑翅老飛欲
折樓中見新過夕照送明滅欹枕數聲來疎窗耿
殘月悲鳴或天性南北隨所愜誰念孤旅人年年
為愁絕

擬畫雁詩然中間直偷仙掌月明孤影過長門燈暗數聲
來恐太熟也

寒林圖為侯子晉賦

川光茫茫風景莫一雪無情天地素長安閉門干
萬家亦有行人踏長路新豐煙火灞橋水画史工

作荒寒趣雪中故事知幾何偏識詩翁忍寒處君
不見淮西城下鷺鶴鳴官軍夜斫吳家營只如党
家麤俗亦不惡銀燭金荷天未明拈出雪詩三十

韻寒驢席帽可憐生

雪詩三十
韻見坡集

贈答彥文相過之什

程太
原人

剝啄誰叩門開門得吾友握手一大笑慰我離群
久之子富才具事業可力取瞻望青松姿衰遲愧
蒲柳金閨滿鴛鴦什伯自為偶寂莫林野人過從

但鄰叟盤飧無兼味。筍蕨才適口窮達俱偶然。相逢且沽酒。

枕上

往時見白髮談笑輕歲月誰謂明鏡裏蕭蕭不勝
鐻山林蹉跎久世慮初未絕觸物重興懷忽忽不
自慙遭逢有奇耦才用隨巧拙如何杜陵叟自比
稷與契茫茫拊塵編何時卒吾業

秋算王氏園亭

細徑雲林底危亭澗水滑秋先殞黃葉寒未老紅
葵嚼句幽禽答尋花晚蝶隨無人共幽興思與野

僧期

六言

北闕三臺五省。東山萬壑千巖。琴書中有真味。風
月外無多談。

山園梨葉有青紅相半者戲作一詩

霜輕霜重偶然中一葉雖殊萬葉同不信世間閒

草木解隨兒女作青紅

詩

少有吟詩癖吟來欲白頭科名不肯換家事幾曾
憂含咀將誰語研摩若自讐百年閒伎倆直到死

時休 咀在磨韻今吳中誤為平音

尊酒

名 士灰論遠計木石笑浮生但有一尊酒何須千載

憶山中二絕句

東寺留連飲張園爛熳遊兒童望歸路一日幾登

樓

又

秋色山中好山翁醉不迴不知籬下菊霜後幾叢

開

山中雨後

遶屋湍聲轉臨崖老樹摧雷轟一雨去雲擘兩山

開。至。發。轉。留。室。於。終。郵。雷。轟。一。百。五。十。五。年。三。月。上。日。遣興

張翰一杯酒林逋千首詩性惟便自適材敢論時
施狡兔從三窟鷓鴣分一枝青山有佳色只似往
年時

發冀州留別恩禪師

詩拙非同社情親本故鄉共知成遠別且復暫相
將池古蓮花淨窗深檜葉香何時重攜酒來宿賢

公房

貴公子詠

高堂紅燭鼓聲齊舞遍纖腰月未西一曲纏頭一
雙錦驂騮空自惜障泥

蓮葉觀音恩禪師所歲同路宣叔賦

瑞相分明一葉中華巖性海共圓通補陀自有具
青變画史區區可得工

謝張使君夢弼餽春肉

牙豬肋厚一尺玉鹽花入溪蒸脫骨韭芽蓼甲春
 滿盤走送茅齋慰幽獨山人食貧才一粥幾被艾
 生朝首藉食前方丈非素懷頗憶懸貍繞高屋呼
 來鄰叟共一飽為說使君方繼肉飢民待哺今幾
 家無榮贊君慙此腹區區一肉見歌詠說食書生
 良未足却愁今夕夢寐間有物踏破園蔬綠

仙雞詩

并序

繁時義興鎮酒家韓氏子畜一雞以善鬪

雄其鄉一日敵家以藥飼雞使不知痛求
 與韓雞對韓雞鬪久果被傷口下頷不收
 垂死矣一賣藥道人過其門曰我能活此

韓欣然使療之里中諸兒隨看者一二十
 輩皆使向壁立道人以雞置籠中探手良
 久若摩拊然者已而取瓢水啜之置瓢籠
 上即出門兒曹恠其久不還竊視之雞啄
 已復生矣道人布袍草冠腋下懸青囊落

魄嗜酒夜宿寺閣上韓氏子與里中人奔
走求之并所卧草薦不在矣是時明昌七
年仲規弟爲此鎮酒官予亦在焉作仙雞
詩以記之 詩惜不工

老雄健鬪夸擅場韓郎抱婦神色揚豈知黠兒出
微倖毒手一發不得妨毳毛散灑尚可養利嘴一
哆何由張青囊道人何許来自言救藥吾有方垂
髯喫水濯殘血半喙隨手生新黃筠籠半開聞腦

膊草冠已往徒驚忙神仙世有寧虛荒惜哉詭激

不近情便是刻木風景俗人好言翻案如此

不可量世人鷲勇天且劓况於物也資強梁敷榮
枯枿變金石未若與世鍼膏肓何須變化示狡獪
知君辦作淮南王蓬萊東望雲茫茫愛而不見心
爲狂刀圭不願換凡骨且欲共醉無何鄉

燈下讀林和靖詩

落葉落復落清霜今幾番疎燈照茅屋山月入頽
垣老愛寒花淡幽嫌宿鳥喧卷中林處士相對兩

新字以遺山集
校與山字有死生
之別

忘言

觀西岩張永淳画雁

慘淡經營下筆難画成不似卷中看知君連夜江

湖夢折葦蕭蕭沙水寒

從趙敷道覓石榴

仙人囊中五色露得種昔與蒲桃俱猩猩染花開

五月已覺秋實懸庭除張園一酸齒欲裂君家兩

株蜜不如竹馬兒童馱梨栗綠囊聊爲剝紅珠

中州別有一種酸榴真可裂齒南方未之見也

雪行

五更驢背滿靴霜殘雪離離草樹荒身在景中無

句寫錯教人比孟襄陽

龍眠画馬

驪黃求馬世皆然滅沒存亡自一天當日鹽車人

不識只今空向画中傳

歲暮 民勞則星動搖此賦春和邊遽也

菽菽霜力勁沈沈山氣冥北風半夜起吹動一天

星

送張冀州致政還都

狀元行簡之又

一札恩書下紫宸。東門祖道画图新。路人也解賢

疏。傅河内猶思借寇恂。父子文章千載事。田園松

菊自由身。玉京才過梨花節。靈沼行春莫厭頻。

宋用

退傅張公閒遊靈

沼採春回故事

春雪

五耳字對拙惡

與張龍公太遠

幾日韶華雪更侵。龍公試手本無心。寒留整整斜

斜態暖入融融洩。洩陰著柳直疑香絮重。擁堦還

似落花深。前頭桃李應無恙。剝破相如買賦金。

楸樹

道邊楸樹老龍形。社酒澆來漸有靈。只恐等閒風

雨夜怒隨雷電上青冥。

七夕

無詩章

天河唯有鵲橋通。萬劫歡緣一瞬中。惆悵五更仙

馭遠寂寥雲幄掩秋風。

觀柘枝伎

腰鼓聲乾揭画梁。綵雲擎出柘枝娘。簾間飛燕時
 窺影。鑑裏驚鷺易斷腸。輕細不妨重暈錦。迴旋還
 恐碎明璫。杖頭白雨催花急。拂散春風兩袖香。

敏之兄詩 五首

敏之諱好古性識穎悟讀書能強記務為
 無所不窺年二十就科舉時先東岩君已
 捐館太夫人年在喜懼望其立門戶為甚

切及再上不中意殊不自聊又娶婦不諧
 日致惡語遂以狷介得疾嘗作望月詩有
 莫恠更深仍坐待密雲或有暫開時之句
 人或言詩境不開廣郭非佳語也歎曰吾得
 年不永境趣能開廣郭否未幾沒于北兵之
 禍年三十一 敏之沒于兵則裕之異于不相時而
 昧沒苟祿者矣

中秋無月

佳辰無物慰相思先賞空吟昨夜詩莫恠更深仍

坐待密雲或有暫開時

讀裕之弟詩藁有鷺聲柳巷深之句漫題三

詩其後

阿翁醉語戲兒癡說著蟬詩也道竒吳下阿蒙非
向日新篇爭遣九泉知

又

鷺藏深樹只聞聲不著詩家画不成慙愧阿兄無
好語五言城下把降旌

六成好句

又

傳家詩學在諸郎剖腹留書死敢忘

先人臨終有剖腹留書之

語

背上錦囊三箭在直須千古說穿楊

白公與弟行簡詩有楊穿三葉盡驚人

題江村風雨圖

渡口舟橫水拍空墨雲傾雨樹號風江山不到紅
塵眼半幅煙綃想像中

○附錄

白題中州集後

鄴中江左時代所
壓氣格自爾微

判不以南北為高
下也詩至南宋誠
哀然中州集中十
冊中孰是范陸之
敵耶

敵耶

進歐陽金陵而力

排山谷遺山矯

枉救弊之功為

大元詩樽劣面

目始改陶治推移

馴及明初諸賢

遂有六朝三唐韻

餘溯流窮源不

可誣也若此十冊

所錄其高者僅

窺玉局之藩下

鄴下曹劉氣儘豪江東諸謝韻尤高若徒華實評
詩品未便吳儂得錦袍

虞山尚書鈔遺山集只存後四篇非
党也惜其失言故削之以藏拙耳

又

陶謝風流到百家半山老眼淨無花北人不拾江

西唾未要曾郎借齒牙

以半山百家之選自負而不肯僅比
曾端伯也

又

劉沈在長沙以官法帖鏤板遂市于人間此篇言不可為偽體
所託。當時但有大觀太清樓帖耳宣和閣本是北人用事

萬古騷人嘔肺肝乾坤清氣得來難詩家亦有長

沙帖莫作宣和閣本看

又

文章得失寸心知千古朱絃屬子期愛殺溪南辛

老子相從何止十年遲

又

平世何曾有稗官亂來史筆亦摧殘百年遺藁天

留在抱向空山掩淚看

祿之避兵南渡悼金源氏已於亦更仕晚年以

著作自任曰石可令一代之流泯而不傳乃采多於

者仍學江西之
步沉漫或無百
卷研鍊未列十
年一望而蘊藉
已盡再嚼而致
味遂窮抑亦方
隅限隔無憂易
高者耳令人徒
聞虞山尚書與
孟陽既玩是集
便謂金源百年
足以軼宋紹唐
從而摹擬刻畫
私喜津涉在斯
井餘自適均堂
已膠吾恐為漱
尤屬故痛論之

家寒暑不出有所聞見隨以寸楮細字紀錄之名
 曰聖史亦下百餘篇以中州集其第詩一種也凡
 十卷其二百四子子人其人叙略以第卷第章第
 推為一代宗工真字亦矣如卷以首載顯章二
 作卷尾附其父兄詩尤見忠孝至子俯仰或
 慨之意讀其自歌子絕句可想見云海雲毛

四百後

中州集卷第十終

中州樂府序

聲韻之流至於樂府不知其變其凡有幾漢房中
 樂昉有斯名周人宮中樂章已奏關雎鵲巢矣李
 唐而下其變斯極按樂錄技錄樂府遺聲新聲所
 載瑟調楚調鏡歌和歌正附幾五十門為魚龍鳥
 獸為車馬征戌為佳麗怨思為蕃胡都邑神仙遊
 俠時景觴酌各若干十百曲說者謂兩出塞蜀道
 難音響足比金石皆樂府曲諸不易作也沈宋以

降直至宋金元世至有以樂府名家如吳彥高學士者矣中州樂府一帙蓋金尚書令史元遺山集也凡三十六人總一百二十四首以其父明德翁終焉人有小叙志之中間亦有一二憐材者文亦爾雅蓋金人小史也蜀左轄我儼山陸先生會計之暇目不瞬於檢閱偶得是編示余兗陽山樓曰金宋分疆程學行於南蘇學行於北一時文獻未可謂無人三百年来完顏立國淺陋故前為宋所

掩後為元所壑使豪傑無聞焉其可痛也編中譌誤煩為較讐與瑞成謀梓之且以寓世變之感夫遺山當有金哀宗之季國步危促宋知金仇之不可共而忘豺狼之不可親慘禍交臨不幸生際其時與土者為之臣妾莫能奮飛悲憤于邑之情可想也故其形之聲韻暢懷杯酒繫念君國多可哀愍採風者所不棄也明妃烏孫主蔡琰之流皆以婵娟不能自謀遠嫁胡沙馬上之樂呻吟節拍世

皆憐而存之矧是編乎嗚呼王風國風由俗而變
江河之趨也變至檜陳亂極息治矣此仲尼刪詩
意也然則我儼山先生曷刻之意其重有感於是
編乎其重有取於是編乎嘉定守貴陽高登遂刻
之九峰書院云

嘉靖十五年歲次丙申冬漢嘉後學彭汝寔拜書

中州樂府

目錄

吳學士激 五首

人月圓

訴衷情

春從天上來

滿庭芳

風涼子

蔡丞相松年 十二首

大江東去二首

水調歌頭

月華清

江神子慢

聲聲慢

石州慢

尉遲盃

驀山溪

鷓鴣天二首

江城子

蔡太常珪 一首

江城子

高內翰士談 三首

玉樓春

減字木蘭花

朝中措

劉內翰著 一首

鷓鴣天

趙內翰可 十首

望海潮

驀山溪

好事近

浣溪沙二首

望海潮

卜算子

鷓鴣天二首

鳳棲梧

鄧干江 一首

望海潮

任南麓詢 一首

永遇樂

馮臨海子翼 一首

江城子

李承旨晏 四首

婆羅門引

虞美人

鷓鴣天

菩薩蠻回文

劉龍山仲尹 十一首

鷓鴣天四首

南歌子

攤破浣溪沙

浣溪沙四首

謁金門

劉記室迎 二首

烏夜啼二首

承旨党公 五首

青玉案

感皇恩

鷓鴣天

感皇恩

月上海棠

黃華王先生庭筠 十二首

大江東去

謁金門

鳳棲梧

菩薩蠻回文三首

清平樂

烏夜啼

訴衷情

清平樂

水調歌頭

謁金門

王隱君礪 一首

浣溪沙

密國公疇 七首

朝中措

春草碧

青玉案

秦樓月

沁園春

西江月

臨江仙

禮部閒閒趙公秉文 七首

水調歌頭

青杏兒

梅花引二首

大江東去

缺月挂疎桐

秦樓月

胥莘公鼎 一首

阮郎歸

許司諫古 二首

行香子

眼兒嬌

馮內翰延登 一首

玉樓春

溪南詩老辛愿 一首

臨江仙

李右司獻能 三首

春草碧

江城梅花引

浣溪沙

王右司渥

首

水龍吟

李扶風節

一首

滿江紅

景覃

三首

鳳栖梧

天香二首

宗室文卿

一首

西江月

高博州憲

四首

梅花引四首

王先生予可

三首

小重山

生查子

長相思

王監使特起

二首

梅花引二首

趙內翰攄

二首

南歌子

虞美人

孟內翰宗獻一首

菩薩蠻回文

張太尉信甫一首

驀山溪

王玄佐一首

洞仙歌

愚軒居士趙元三首

行香子三首

折治中元禮一首

望海潮

先大夫詩一首附蔡丞相高子文二首

好事近

中州樂府集目錄終

中州樂府

閨集

河東人元好問裕之集

吳學士激

人月圓

南朝千古傷心事猶唱後庭花舊時王謝堂前燕
子飛向誰家恍然一夢仙肌勝雪宮髻堆鴉江
州司馬青衫淚濕同是天涯

彥高北遷後為故宫人賦此時宇文叔通亦賦

念奴嬌先成而頗近鄙俚及見彥高此作茫然
自失是後人有求作樂府者亦通即批云吳郎
近以樂府名天下可往求之

訴衷情

夜寒茅店不成眠殘月照吟鞭黃花細雨時候催
上渡頭船鷗似雪水如天憶當年到家應是童
稚牽衣笑我華顛

春從天上来

海角飄零歎漢苑秦宮墜露飛螢夢回天上金屋
銀屏歌吹競舉青冥問當時遺譜有絕藝鼓瑟湘
靈促哀彈似林鷺唳唳山溜泠泠梨園太平樂
府醉幾度春風鬢變星星舞破中原塵飛滄海風
雪萬里龍庭寫胡笳幽怨人憔悴不似丹青酒微
醒對一窗涼月燈火青熒

好問曾見王防禦公玉說彥高此詞句句用琵琶
故實引據甚明今忘之矣

滿庭芳

誰挽銀河青冥都洗故教獨步蒼蟾露華仙掌清
 淚向人霑画棟秋風嫋嫋飄桂子時入疎簾冰壺
 裏雲衣霧鬢掬水弄春纖 獸獸成勝賞銀槃撥
 汞寶鑑披奩待不放楸梧影轉西簷坐上淋漓醉
 墨人人看老子掀髯明年會清光未減白髮也休

添

風流子

書劍憶游梁當時事底處不堪傷蘭楫嫩漪向吳
 南浦杏花微雨窺宋東塘鳳城外燕隨青步障絲
 惹紫游韁曲水古今禁烟前後暮雲樓閣春草池
 塘 回首斷回腸年芳但如霧鏡髮成霜獨有蟻
 尊陶寫蝶夢悠颺聽出塞琵琶風沙漸灑寄書鴻
 鴈煙月微茫不似海門潮信能到潯陽

蔡丞相松年

大江東去

離騷痛飲問人生佳處能消何物江左諸人成底
事空想岩岩青壁五畝蒼烟一丘寒玉歲晚憂風
雪西州扶病至今悲感前傑我夢卜築蕭閑覺
來岩桂十里幽香發魄磊胸中冰與炭一酌春風
都滅勝日神交悠然得意離恨無毫髮古今同致
永和徒記年月

又

倦游老眼放閑身管領黃華三日客子秋高茅舍

外滿眼秋嵐欲滴澤國清霜澄江爽氣染出千林
赤感時懷古酒前一笑都釋千古粟里高情雄
豪割據戲馬空陳迹醉裏誰能知許事俯仰人間
今昔三弄胡床九層飛觀喚取穿雲笛涼蟾有意
爲人點破空碧

水調歌頭

雲間貴公子玉骨秀橫秋十年流落水雪香靄紫
貂裘燈火春城咫尺曉夢梅花消息蠶紙寫銀鉤

老矣黃塵眼如對白蘋洲
世間物惟有酒可忘
憂蕭閑一段歸計佳處着君侯
翠竹江村月上但要綸巾鶴氅
來往亦風流醉墨薔薇露洒遍
酒家樓

月華清

樓倚明河山蟠喬木故國秋光如水
常記別時月冷半山環珮到而今
桂影尋人端好在竹西歌吹
如醉望白蘋風裏關山無際
可惜瓊瑤千里有

年少玉人吟嘯天外脂粉清輝冷
射藕花冰蕊念老去鏡裏流年空
解道人生適意誰會更微雲疎
雨空庭鶴唳

江神子慢

賦瑞香

紫雲點楓葉岩樹小婆娑歲寒節
占高潔纖苞煖釀出梅萸蘭鳧照
濃碧茗盃添春花氣重芸窗晚
濛濛浮霽月小眠鼻觀先通廬山
夢舊清絕蕭閑平生淡泊獨芳溫
一念猶未衰歇種種陳迹而

今老但覓茶煙禪榻寄閑寂風外天花無夢也鴛鴦債從渠千萬劫夜寒回施幽香與愁客

聲聲慢 涼陞 寄內

青蕪平野小雨千峯還成算陞寒色裁剪芸窗憶得伴人良夕遙憐幾重眉黛恨相逢少於行役梨花淚正宮衣春瘦曉紅無力 應恠浮雲夫婿不解趁新醅醉眠涼月怨入關河西去又傳音息誰知倦游心事向年來苦思泉石人未老約閭峯多

占秀碧

石州慢 高麗使 還日作

雲海蓬萊風霧鬢鬟不假梳掠仙衣捲盡雲霓方見宮腰纖弱心期得處世間言語非真海犀一點通窠廓無物比情濃覓無情相博 離索曉來一枕餘香酒病賴花醫却灑灑金尊收拾新愁重酌片帆雲影載將無際關山夢竟應被楊花覺梅子雨絲絲滿江十樓閣

尉遲孟

紫雲暖恨翠離珠樹雙栖晚小花靜院相逢的的
風流心眼紅潮照玉盃午香重草綠宮羅淡喜銀
屏小語私分麝月春心一點華年共有好願何
時定粧鬟暮雨零亂夢似花飛人歸月冷一夜小
山新怨劉郎興尋常不淺況不似桃花春溪遠覺
情隨曉馬東風病酒餘香相半

驀山溪

清明綠野玉色明春酒燕地雪如沙爲喚起斗南
溫秀鬢絲禪榻夢覺古揚州瑤臺路返菟香好在
啼粧瘦春前入眼似是章臺柳欲典鷓鴣裘悞
金車香迎馬首綠陰青子後日便東風秋千散算
寒生月到西廂後

鷓鴣天

解語宮花出画簷酒尊風味爲花甜誰憐夢好春
如水可奈香餘月入簾春漫漫酒厭厭曲終新

恨到眉尖此生願化雙瓊柱得近春風暖玉纖

又

秀樾橫塘十里香水花晚色靜年芳胭脂雪瘦薰

沈水翡翠盤高走夜光 山黛遠月波長算雲秋

影蘸瀟湘醉魂應逐凌波夢分付西風此夜涼

江城子

半年無夢到春溫可憐人幾黃昏想見玉徽風度
更清新翠射娉婷雲八尺誰為寫五湖真 好風

歸路軟紅塵暖冰魂縷金裙喚起一天星月入金

尊番取木樨花上露揮醉墨洒行雲

公有詩八尺五湖明秀峰又云十丈琅玕倒冰

玉明年為寫五湖真正用此詞意魏道明作注

義有不通故表出之

蔡太常珪

江城子

王溫季自北都歸過
予三河坐中賦此

鵲聲迎客到庭除問誰歎故人車千里歸來塵色

半征裾珍重主人番客意奴白飯馬青芻東城
入眼杏千株雪糝糊俯平湖與子花間隨分倒金
壺歸報東垣詩社友曾念我醉狂無

高內翰士談

玉樓春

爲伯求作

少年人物江山秀流落天涯今白首形容憔悴不
如初文彩風流仍似舊百花元是仙家酒千歲
靈根能益壽都將萬事付天公且伴老人開笑口

減字木蘭花

西湖睡起飛絮游絲春老矣漲綠涵空十頃玻璃
四面風時平事少天與湖山供坐嘯他日西州
却怕羊曇感舊游

朝中措

瑯琊山色最清雄心賞待衰翁路轉峰回如画新
亭半濕青紅風流賓從清閑歲月且共從容莫
笑尊前老大猶堪管領春風

劉內翰著

鷓鴣天

雪照山城玉指寒一聲羌管怨樓間江南幾度梅
花發人在天涯鬢已斑 星點點月團團倒流河
漢入盃盤翰林風月三千首寄與吳姬恐淚看

趙內翰可

望海潮

代州南樓

雲翔南陔全趙幕府河山襟帶名藩有朱樓縹緲

千雉回旋雲度飛狐絕險天圍紫塞高寒弔興亡
遺跡咫尺西陵煙樹蒼然 時移事改極目傷心
不堪獨倚危闌惟是年年飛鴈霜雪知還樓上四
時長好人生一世誰閑故人有酒一尊高興不減
東山

驀山溪

賦崇福荷花崇福在太原晉溪

雲房西下天共滄波遠走馬記狂游正芙蓉平鋪
鏡面浮空欄檻招我倒芳尊看花醉把花歸扶路

清香滿 水楓舊曲應逐歌塵散時節又新涼料
開徧橫湖清淺冰姿好在莫道摠無情殘月下曉
風前有恨何人見

東山好事近

密雪聽窗知午醉晚來初覺人與膽瓶梅蕊共此
時蕭索 倚窗閑看六花飛風輕止還作箇裏有
詩誰會滿疎籬寒雀

浣溪沙

擡轉爐薰自換香錦衾收拾却遮蔽二年塵暗小
鴛鴦 落木蕭蕭風似雨疎櫺皎皎月如霜此時
此夜最淒涼

又

火冷薰爐香漸消更闌撥火更重燒愁心心字兩
俱焦 半世清狂無限事一窗風月可憐宵燈殘
花落夢無聊

望海潮

發高麗作

雲垂餘髮霞拖廣袂人間自有飛瓊三館俊游百
銜高選翩翩老阮才名銀漢會雙星尚相看脉脉
似隔盈盈醉玉添春夢雲同夜惜卿卿離觴草
草同傾記靈犀舊曲曉枕餘醒海外九州郵亭一
別此生未卜他生江上數峰青悵斷雲殘雨不見
高城二月遼陽芳草千里路傍情

卜筮子

譜太
白詩

明月在青天借問今時幾但見宵從海上来不覺

雲間墜
流水古今人共看皆如此唯願當歌對
酒時長照金尊裏

鷓鴣天

金絡閑穿御路楊青旗遙認醉中鄉可人自有迎
門笑下馬何妨索酒嘗
春正好日初長一尊容
我駐風光歸來想像行雲處薄雨霏霏洒面涼

十頃平波溢岸清
草香沙暖水雲晴
輕衫短帽垂

楊裏楚潤相看別有情
揮彩筆倒銀餅花枝照
眼句還成老來漸減金釵興
回施春光與後生

集句

鳳棲梧

霜樹重重青嶂小
高棟飛雲正在霜林杪
九日黃花才過了一尊
聊慰秋容老
翠色有無眉淡掃
身在西山却愛東山好
流水極天橫
晚照酒闌望

斷西河道

鄧干江

臨洮人

望海潮

上蘆州守

雲雷天塹金湯地
險名藩自古臯蘭營屯
繡錯山形米聚
喉襟百二秦關
塵戰血猶殷
見陣雲冷落
時有鷗盤靜
塞樓頭曉月依舊
玉弓彎
看看定遠西還
有元戎聞令上將齋壇
區脫晝空兜零夕
舉甘泉又報平安
吹笛虎牙閑
且宴陪珠履
歌按雲鬟未拓興
靈醉竟長繞
賀蘭山

任南麓詢

永遇樂

月已中秋菊還重九夜久涼重滿地清霜半天白
 曉孤唱聞畊壠蕭蕭窗几依然琴硯但覺鼠窺風
 動悔生平趨前猛甚晚退却成無勇興衰更換
 妍媸淆混造物大相愚弄二釁羞人五交賈鬻戾
 伯寧無種而今此念消除都盡惟有故山歸夢吾
 廬更雙溪清遠萬峰翠擁

馮臨海子翼

江城子

胭脂坡上月如鉤問青樓覓溫柔庭院深沉窗戶
 掩清秋月下香雲嬌隨砌花氣重酒光浮清歌
 皓齒艷明眸錦纏頭若為酬門外三更燈影立驂
 騮結習未忘吾老矣煩惱夢赴東流

李承旨晏

婆羅門引

保德西樓作

汗融畏日豈知高處有風清倚闌襟袖涼生坐上

看崩雲脫壞不礙亂峯青待目窮千里却怕傷情
河汾古城聽裂岬怒濤驚好是烽沉幽障鼓卧
邊亭西樓老子更無用胸中十萬兵酒到處莫放
杯停

虞美人

佳人酒暈紅生頰灑灑霞千疊雨餘紅淚濕黃昏
誤認當年人面倚朱門 飄零又送青春莫悵望
劉郎去教人不恨五更風只恨馬蹄無處避殘紅

鷓鴣天

苒苒萋萋雨後邨芳塵不到五侯門曾隨曉淚撩
詩思又向春風入燒痕 春去後憶王孫啼紅南
浦記芳溫夕陽樓外連天遠乞與騷人怨楚魂

菩薩蠻

詞回文

斷腸人去春將半歸客倦花飛小窗寒夢曉誰與
画愁眉

劉龍山仲尹

鷓鴣天

滿樹西風鎖建章
官黃未裹貢前霜
誰能載酒陪
花使終日尋香
過苑墻
脩月客弄雲娘
三吳清興入淋浪
草堂人病風流減
自洗銅餅煮蜜嘗

又

騎鶴峰前第一人
不應着意怨王孫
當年艷態題
詩處好在香痕
與淚痕
調鴈柱引蛾顰
綠窗絃索合
箏箏砌臺歌舞陽春
後明月朱扉幾斷魂

又

樓宇沈沈翠幾重
轆轤亭下落梧桐
川光帶晚虹
垂雨樹影涵秋鵲
喚風人不見思何窮
斷腸今古夕陽中
碧雲猶作山頭恨
一片西飛一片東

又

璧月池南剪木樨
六朝宮袖窄中宜
新聲壓巧蛾
顰黛纖指移箏
鴈着絲朱戶小
画簾低細香輕
夢隔涪溪西風只道悲
秋瘦却是西風未得知

南歌子
 榴破猩肌血
 萱開鳳尾黃
 舊閑風簾雪肌涼
 一枕濃香
 寃夢到巫陽
 六雲紵
 描瑤草
 蓮腮洗玉漿
 碧梧深院小藤床
 此意一江春水正難量

攤破浣溪沙

蠶欲眠時日已曛
 柔桑葉大綠團團
 雲羅敷猶小陌上看行人
 翠實低條梅弄色
 輕花吹攏麥初勻
 鳴鳩聲裏過盡太平村

浣溪沙

貼體宮羅試袂衣
 冰藍嬌淺染東池
 春風一把瘦腰支
 戲鏤寶鈿呈翡翠
 笑拈金剪下酴醾
 最宜京兆画新眉

又

萬疊春山一寸心
 章臺西去柳陰陰
 藍橋特爲好花尋
 別後魚封煙漲濶
 夢迴鸞翼海雲深
 情知頓着有如今

繡館人人倦踏青粉垣深處簸錢聲賣花門外綠
陰輕春簾幙風柔飛燕燕池塘花暖語鶯鶯有誰
知道一春情

摩腹推腰春事非樂天猶恨小樊歸多生餘念向
來瘦往事半隨殘夢轉飛詞不盡短封題竹奴
應笑減腰圍

謁金門

簾半窳四座綠圍紅簇歌盡玉臺連夜燭懽緣仍
恨促休唱蓮舟新曲煙水画船搖綠腸斷鴛鴦
三十六紫蒲相對浴

劉記室迎

烏夜啼

菱鑑玉篦秋月蕙爐銀葉朝雲宿醒人困屏山夢
煙樹小江村翠甲未消蘭恨粉香不斷梅魂離

愁分付殘春雨花外泣黃昏

又

離恨遠紫楊柳夢寬長遠梨花青衫記得章臺月
歸路玉鞭斜 翠鏡啼痕印袖紅墻醉墨籠紗相
逢不盡平生事春思入琵琶

承旨党公

青玉案

紅莎綠萼春風餅趁梅驛來雲嶺紫桂岩空瓊竇

冷佳人却恨等閑分破縹緲雙鸞影 一甌月露
心寬醒更送清歌助清興痛飲休辭今夕永與君
洗盡滿襟煩暑別作高寒境

感皇恩

賦疊
羅花

碧玉撚條藍袍裁葉明艷黃深軟金疊道裝仙子
謫墮藥珠仙闕爲春閑管領花時節 漢額粧穠
楚腰舞怯襞積裙餘舊宮褶東君着意畱伴小庭
風月任教鷓鴣喚群芳歇

鷓鴣天

雲步凌波小鳳鈞年年星漢踏清秋只緣巧極稀
相見底用人間乞巧樓 天外事兩悠悠不應也
作可憐愁開簾放入窺窗月且盡新涼睡美休

感皇恩

一葉下梧桐新涼風露喜鵲橋成渺雲步舊家機
杼巧織紫綃如霧新愁還織就無重數 天上何
年人間朝暮回首星津又空渡盈盈別淚散作半

空疎雨離魂都付與秋將去

月上海棠

用前人韻

傲霜枝裊團珠蕾冷香霏烟雨晚秋意蕭散繞東
籬尚彷彿見山清氣西風外夢到斜川栗里 新
霞魚尾明秋水帶三兩飛鴻點烟際疎林颯秋聲
似知人倦游無味家何處落日西山紫翠

黃華玉先生庭筠

大江東去

癸巳暮冬小雪家集作

山堂晚色滿疎籬寒雀煙橫高樹小雪輕盈如解
舞故故穿簾入戶掃地燒香團樂一笑不道因風
絮冰漸生研問誰先得佳句有夢不到長安此
心安穩只有掃畊去試問雪溪無恙否十里淇園
佳處脩竹林邊寒梅樹底准擬全家住柴門新月
小橋誰掃掃路

謁金門

雙喜鵲幾報掃期渾錯儘做舊愁都忘却新愁何
處着瘦雪一痕墻角青子已粧殘葶不道枝頭
無可落東風猶作惡

鳳棲梧

衰柳疎疎苔滿地十二闌干故國三千里南去北
來人老矣短亭依舊殘陽裏紫蟹黃柑真解事
似倩西風勸我掃歟未王粲登臨寥落際鴈飛不
斷天連水

菩薩蠻

迴文

斷腸人恨餘香換塵暗鎖窗春小花簷月曉屏掩
半山青

又

客愁楓葉秋江隔行遠望高城故人新恨苦斜日

晚啼鴉

又

白雲孤映遙山碧樓倚一天秋斷腸隨鴈斷來鴈
與書回

清平樂 賦杏

今年春早到處花開了只有此枝春恰到底輕
顰淺笑 風流全似梅花承當疎影橫斜夢想溪
南溪北竹籬茅舍人家

烏夜啼

淡煙疎雨新秋不禁愁記得青帘江上酒家樓
人不住花無語水空流只有一隻檣燕肯相留

訴衷情

中州樂府

及古詞

夜涼清露滴梧桐庭樹又西風薰籠舊香猶在曉
 帳暖芙蓉雲淡薄月朦朧小簾櫳江湖殘夢半
 在南樓画角聲中

清平樂 應制

瓊枝瑤月簾捲黃金闌宮鬢蛾兒雙翠葉點綴離
 南閣雪東風扇影低還紅雲不隔天顏夜夜華
 燈萬樹年年碧海三山

水調歌頭

秋風秃林葉却與鬢

年長短亭裏落日冷

邊笳飛鴈白雲千里

登山臨水無賴客思家

獨鶴歸何晚已後滿汀鴉望蓬山雲海濶浩無

涯安期玉鳥何處袖有棗如瓜一笑那知許事且

看尊前故態耳熱眼生花肝肺出芒角漱墨作枯

槎

賦玉

賦玉

秋蕭索燈火新涼簾幕翠被不禁臨曉薄南樓聞

画角想見玉壺冰
草一夜西風開却夢
覺鳥啼
殘月落幽香無處着

王隱君礪

浣溪沙

夢中作

林樾人家急暮砧
夕陽人影入江深
倚闌疎快北風襟
雨自北山明處黑
雲從白鳥去邊陰
幾多秋思亂鄉心

密國公璫

朝中措

襄陽古道灞陵橋
詩興與秋高
千古風流人物一時多少
雄豪
霜清玉塞雲飛隴
首楓落江皋
夢到鳳皇臺上
山圍故國週遭

春草碧

幾番風雨西城陌
不見海棠紅
梨花白底事勝賞
忽忽政自天付酒腸窄
更笑老東君
人間客
賴有玉管新翻
羅襟醉墨望中倚闌人
如曾識舊夢

回首何堪故苑春光又陳迹落盡後庭花春草碧
青玉案

凍雲封却馳岡路有誰訪溪梅去夢裏疎香風似
度覺來唯見一窗涼月瘦影無尋處 明朝畫筆
江天算定向漁蓑得奇句試問簾前深幾許兒童
笑道黃昏時候猶是蕙纖雨

秦樓月

寒仍暑春來秋去無

無今古梁臺風月汴堤

烟雨水涵天影秋如許夕陽低處征帆舉征帆
舉一行驚鴈數聲柔櫓

沁園春

壯歲耽書黃卷青燈晉連寸陰到中年贏得清貧
更甚蒼顏明鏡白髮輕簪衲被蒙頭草鞋着脚風
雨蕭蕭秋意深淒涼舌餅中匱粟指下忘琴一
篇梁父高吟看谷變陵遷古又今便離騷經了靈
光賦就行歌白雪愈少知音試問先生如何即是

布袖長垂不上襟
掀髯笑一杯有味萬事無心

西江月

一百八般佛事二十四考中書山林朝市等區區

着甚来自自苦
過寺談些般若逢花倒箇葫蘆

少時伶俐老來愚
萬事安於所遇

臨江仙

倦客更遭塵事冗
故尋閑地婆娑一尊芳酒一聲

歌盧郎心未老
潘令鬢先皤醉向繁臺臺上問

滿川細柳新荷薰
風樓閣夕陽多倚闌凝思久漁

笛起烟波

禮部閑閑趙公秉文

水調歌頭

昔擬相仙人王雲鶴贈予詩云寄與閑閑傲浪仙枉隨詩酒墮凡緣

黃塵遮斷來時路不到蓬山五百年其後玉龜山人云子前身赤城子也予因以詩

記之云玉龜山下古仙真許我天台一化身擬折玉蓮騎白鶴他年滄海看揚塵吾

友趙禮部庭玉說丹陽子謂予再世蘇子美也赤城子則吾豈敢若子美則庶幾焉尚

媿辭翰微不及耳因作此以寄意焉

四明有狂客呼我謫仙人俗緣千劫不盡回首落
 紅塵我欲騎鯨歸去只恐神仙官府嫌我醉時嗔
 笑拍群仙手幾度夢中身倚長松聊拂石坐看
 雲忽然黑霓落手醉舞紫毫春寄語滄浪流水曾
 識閑閑居士好為濯冠巾却返天台去華髮散麒麟

青杏兒

風雨替花愁風雨罷花也應休勸君莫惜花前醉

今年花謝明年花謝白了人頭乘興兩三甌揀
 溪山好處追遊但教有酒身無事有花也好無花
 也好選甚春秋

梅花引 過天門關作

山如峽天如席石顛樹老冰崖坼雪霏霏水洄洄
 先生此道胡為乎來哉石頭路滑馬蹄蹶昂頭
 貪看山奇絕短童隨皺雙眉休說清寒形容想更
 飢

又

杖頭倒挂一壺酒爲問

人家何處有捋冰髯暖朝寒何人画我霜天曉過

關

大江東去

秋光一片問蒼蒼桂影其中何物一葉扁舟波萬
 頃四顧粘天無壁叩柁長歌嫦娥欲下萬里揮冰

雪京塵千丈可能容此人傑
 回首赤壁磯邊騎

鯨人去幾度山花發澹澹長空今古夢只有歸鴻

明滅我欲從公乘風歸去散此麒麟髮三山安在

玉簫吹斷明月

古一缺月挂疎桐
擬東坡作

烏鵲不多驚貼貼風枝靜珠貝橫空冷不收半濕

秋河影缺月墮幽窗推枕驚深省落葉蕭蕭聽

雨聲簾外霜華冷

秦樓月

簫聲苦簫聲吹斷夷山雨夷山雨人空不見吹臺
歌舞危樓目極傷平楚斷霞落日懷千古懷千
古一杯還酌信陵墳土

得莘公鼎

阮郎歸

寄李都運有之

人情冷暖共高低疎慵非所宜老夫碌碌本無機
閑教造物疑形木槁鬢絲垂山林先有期故人

只道挂冠遲此心應不知

許司諫古

行香子

秋入鳴皋爽氣飄蕭挂衣冠初脫塵芳窗間巖岫
看盡昏朝夜山低晴山近曉山高細數閑來幾
處村醪醉糝糊信手揮毫等閑陶寫問甚風騷樂
因循能潦倒也消搖

眼兒媚

濁醪斲得玉爲漿
風韻帶橙香
持盃笑道鶯黃似
酒酒似鶯黃
世緣老矣不思量
沈醉又何妨
臨風對月山歌野
調儘我疎狂

馮內翰延登

玉樓春

宴河中
瑞雲亭

長原迤邐孤麋卧
野色微茫河界破
草承行履綠
雲深花觸飛丸紅
雨妥高亭初試煎
茶火醉正
漸謹春滿座
行盃莫獸轉
籌頻佳節等閑飛
鳥過

溪南詩老辛愿

臨江仙

河山亭留別
欽叔裕之

誰識虎頭峯下客
少年有意功名清
朝無路到公
卿蕭蕭華屋白髮老
諸生邂逅對床逢
二妙揮毫落紙堪驚
他年聯袂上蓬瀛
春風蓮燭莫忘此
時情

李右司獻能

春草碧

紫簫吹破黃州月
 菽菽小梅花飄香雪
 窈莫花底風鬟顏色如花
 命如葉千里浣兵塵
 凌波襪心事鑑影鸞孤
 箏絃鴈絕舊時雪堂人
 今華髮斷腸金縷新聲
 杯深不覺琉璃滑醉夢
 遶南雲花上蝶

江城梅花引

為飛伯賦青梅

漢宮嬌額倦塗黃
 試新粧立昭陽
 萼綠仙姿高髻碧羅裳
 翠袖卷紗閑倚竹
 暝雲合瓊枝薦萼涼
 璧月浮香搖玉浪
 拂春簾瑩綺窗
 冰肌夜冷滑無

粟影轉斜廊
 冉冉孤鴻烟水渺
 渺三湘青鳥不來天也老
 斷菟夢清霜靜楚江

浣溪沙

河中环勝樓感懷

垂柳陰陰水拍堤
 欲窮遠目望還迷
 平蕪盡處暮天低
 萬里中原猶北顧
 十年長路却西歸
 倚樓懷抱有誰知

王右司渥

水龍吟

從商帥國器獵同裕之賦

短衣匹馬清秋慣曾射虎南山下西風白水石鯨
 鱗甲山川圖畫千古神州一時勝事實僚儒雅快
 長堤萬弩平岡千騎波濤卷魚龍夜 落日孤城
 鼓角笑歸來長圍初罷風雲慘澹貔貅得意旌旗
 閑暇萬里天河更須一洗中原兵馬看鞭索鳴咽
 咸陽道左拜西還駕

李扶風節

滿江紅

紙帳溫春睡穩窗槐搖綠吾老矣不堪重着翠圍
 紅簇千古清風荆布在一家樂事糟糠足笑杜陵
 憔悴漫多情須燕玉 求凰意傳新曲驂鸞夢從
 渠續問臨邛何賤會稽何辱畎畝豈無天下士芥
 斤不到山中木但莫教風雨兩離鳩危枝宿

景覃

鳳棲梧
 倦客情悰紛似縷小院無人卧聽秋蟲語歸意已

挽新鴈去晚涼更作瀟瀟雨
相架上秋衣蠅點素
冷菊戎裘尚被春花妬
別有溪山容杖屨
等閑不許知人處

六下天香中木野真
楚風雨雨兩難
或或楚
市遠人稀林深火吠
山連水村幽寂田里安閑
東隣西舍准擬醉時歡
適社祈雩禱有簫鼓喧天吹
擊帘雨新晴壠頭閑
看露桑風麥無端晴亭
莫驛恨連年此時行役
何似臨流蕭散緩衣輕
幘炊

黍烹雞自勞有脆綠
甘紅薦芳液夢裡春泉
糟床夜滴

又

百歲中分流年過半塵
勞繫人無盡桑柘周圍
管茅低架且喜水親山
近倦飛高鳥算也有閑
枝棲穩紙帳紬衾日高
睡起懶梳蓬鬢閑堦上
花碧潤緩芒屨恐傷蝸
蚓倒掩衡門空解草玄
誰信俗駕輕雲易散
賴獨有蓬峰破孤悶
世事悠悠從教

莫問

宗室文卿

西江月

題邯鄲王化
呂仙翁祠堂

壁斷何人舊字爐寒隔歲殘香洞天人去海茫茫
玩世仙翁已往西日長安道遠春風趙國臺荒
行人誰不悟黃糧依舊紅塵陌上

高博州憲

梅花引

蒿火目藜羹腹書生寧有封侯骨長鬚奴下澤車
艱關險阻誰教涉畏途半生落莫長安道一事
無成雙鬢老南轅吳北轅胡功名富貴情知不可
圖

又

槐安夢鼓笛弄馳驟百年塵一闕陶淵明張季鷹
一杯濁酒焉知身後名有溪可漁林可繳須信
在家貧也樂熊門春沮江雲幾時作箇山間林下

八

又

城下路淒風露今人犁田昔人墓岸頭沙帶蒹葭
漫漫昔時流水今人家 黃埃赤日長安道倦客
無漿馬無草開函關閉函關千古如何不見一人

閑

又

六國擾三秦埽初謂商山遺四老馳單車致緘書

裂荷焚芟接武曳長裾 高陽真得杯中趣身到
醉鄉安穩處生忘形死忘名二豪侍側劉伶初未
醒

王先生予可

小重山

予可自解醜
霜脂粉也

寶榭簾鈎捲月窗縷衣金樣褪汎餘香卿卿榮耀
寵恩光三竿日顰翠楚山長 螺髻曼浮觴鳳奩
塵瑩恨浥漉霜賣珠樓外串離腸春殘夢今夜擬

高唐

生查子

夜色明河靜好風來千里水殿謫仙人皓齒清歌
起前聲金竿中後聲銀河底一夜嶺頭雲遶遍
樓前水

長相思

風暖時雨晴時熏褶羅衣人未歸
螭蛾愁欲飛
枕瓊霞瑣窗紗簾月樓空燕子家
春風埽落花

王監使特起

梅花引

山之麓河之曲一灣秀色盤虛谷
水溶溶雨濛濛
有人行李蕭蕭落葉中
人家籬落炊煙濕天外
雲峰迷淡碧野雲昏失前村
溪橋路滑平沙沒舊痕

又

丹楓下瀟湘夜橫披省見王維
画画無聲恹經營

何如幻我清寒此道行
 馬頭風急催行色疑是
 山靈嫌俗客釣魚磯綠蓑衣有人坐弄滄浪猶未
 歸

趙內翰攄

南歌子

澗草萋萋綠林翼恰恰啼汀沙過雨便無泥喚得
 芒鞋隨意到前溪
 浦淑渾堪画雲烟總是題江
 湖老伴一蓑衣真箇斜風細雨不須歸

虞美人

同孟利
器尋春

春來日日風成陣桃李飄零盡樹頭樹底覓殘紅
 只有郭西梨雪照晴空
 酬春須得如川酒酒債
 尋常有葛巾歌側倩人扶大似浣花溪上醉騎驢
 孟內翰宗獻

菩薩蠻

回文

睡驚秋近鳴蟲砌蒼鬢慘勻霜影孤燈翳冷長歎
 浩歌狂

張太尉信甫

驀山溪

山河百二自古關中好壯歲喜功名擁征鞍雕裘
繡帽時移事改萍梗落江湖聽楚語獸蠻歌往事
知多少 蒼顏白髮故里欣重到老馬省曾行也
頻嘶冷烟殘照終南山色不改舊時青長安道一
回來須信一回老

王玄佐

洞仙歌

賦榛實屏
山所錄

圓剛定質混物非凡類仁處其中靜忘意任蝶蜂
狂透燕雀喧爭心君正惟取清白自治 黃衣從
澹泊此箇家風異偶合陰陽棄神智怕旁人冷眼
嫌太孤高樽俎地聊許松梧同器待他日山林不
相容請援手仙葩要充仙贄

愚軒居士趙元

行香子

鏡裏流年綠變華
 顛謝西山青眼依然
 人生安用利瑣名
 纏似燕營巢蜂課蜜
 蟻爭羶 詞苑群仙
 場屋諸賢看文章
 大筆如椽閑人書冊
 且枕頭眠有洗心經
 傳燈錄坐忘篇

又

潦倒無聞坐慣家
 貧眼昏花心口猶存
 人皆笑我我儘教人
 拚醉吟風閑釣月困
 眠雲 邂逅交親
 語款情真且相從
 莫浪辛勤西山歸隱
 不用移文

看菊成叢松結子竹生孫

又

山擁垣墻水滿溪
 塘幾人家籬落斜陽
 又還夏也一霎人忙
 正稻分畦蠶卸簇麥
 登場 老子徜徉
 閑日偏長鬢鬢鬆只
 管尋涼綠陰何處旋
 旋移床有道邊槐門
 外柳舍南桑

折治中元禮

望海潮

從軍舟中作

地雄河岳疆分韓晉潼關高墜秦頭山倚斷霞江
 吞絕壁野煙紫帶滄洲虎旆擁貔貅看陣雲截岸
 霜氣橫秋千雉嚴城五更殘角月如鉤 西風曉
 入貂裘恨儒冠悞我却羨兜鍪六郡少年三明老
 將賀蘭烽火新收天外岳連樓想斷雲橫曉誰識
 歸舟剩着黃金換酒羯鼓醉涼州

先大夫

好事近

次蔡丞相韻首倡及高子文屬和附於此

夢破打門聲有客袖攜團月喚起玉川高興煮松
 簞晴雪 蓬萊千古一清風人境兩超絕覺我胸
 中黃卷被春雲香徹

又

天上賜金奩不減壑源三月午盃春風纖手看
 一時如雪 幽人只慣茂林前松風聽清絕無
 奈十年黃卷向枯腸搜徹 蔡丞相

誰打玉川門白絹斜封團月晴日小窗活火響

一壺春雪 可憐桑苧一生顛文字更清絕直

擬駕風歸去把三山登徹 高子文

聲音之道與政通固矣然以三百篇攷之成

周治矣而夫子不無刪焉鄭衛亂矣而夫子

或有取焉何哉則亦以天理之在人心不可

變而人之賢不肖不可必故聖賢之所去取

惟其人不惟其時惟其意 不惟其人惟其意

不惟其言中州樂府作於金人吳彥高輩雖

當衰亂之極今味其辭意變而不移憫而不

困婉而不迫達而不放止而不隨蓋古詩之

餘響也是故儼山陸公有取焉亦孔子待鄭

衛之意韶承命分枝畢敬識淺語以俟公之

教焉嘉靖丙申九月庚辰屬吏毛鳳韶謹書

家藏中州集十卷逸其樂府祥人生年詳快法

既得樂府一帙乃九峰書院刻本也小錄刻合

聖